

Le tyngus. L. R. Missale

MISSÆ PROPRIÆ

ORDINIS

S. P. N. FRANCISCI:

Quibus interferuntur

(Juxta Calendarium Franciscanum)

Missæ novæ Missalis Romani,

C U M

TABULA ALPHABETICA

exhibente *Illas* Characterē Italico,

Has verò Romano.

In Commoditatem omnium qui Missali
Romano utuntur.

*Quando sacerdos celebrat, Deum honorat; An-
gelos lætificat; Ecclesiam ædificat; Vivos ad-
juvat; Defunctis requiem præstat; Et sese
omnium bonorum participem efficit.*

Lib. 4, Imit. Christi Cap. 5.

Permissu Superiorum.

L O N D I N I.

Anno Domini MDCCLXVI.

3. 1. 1951





Tabula Alphabetica

NOMINUM SANCTORUM hujus Supplementi Missalis.

A.

A ndreae de Comitibus Confessoris.	Pag. 11
Antonii à Stronconio Confessoris.	12
Apolloniae Virginis & Martyris.	13
Andreae Corsini Episc. Confessoris.	14
Angelae Fulginatis Viduae.	23
Angeli à Clavasio Confessoris.	32
Anselmi Episc. Conf. & Doctoris.	36
Antonini Episcopi & Confessoris.	41
Augustini Episc. Conf. Angl. Apost.	51
Andreae ab Hyspello Confessoris.	56
Antonii de Padua Confessoris.	57
Alexii Confessoris.	66
Angelorum Custodum.	93
Andreae Avellini Confessoris.	110
Agnetae Assisiatis Virginis.	111

B.

B erardi & Sociorum Martyrum.	6
Benevenuti Episc. & Confessoris.	20
Benedicti à S. Philadelphia Conf.	28
Bernardini Senensis Confessoris.	47
Benevenuti Confessoris.	60
Bonaventurae Episc. Conf. & Doct.	62
Bernardini Feltrensis Confessoris.	91
Brunonis Confessoris.	97
Birgittae Viduae.	98
Bedae Venerabilis Presbyteri Conf.	105

A 2

Bibiana

T A B U L A.

Bibianæ Virginis & Martyris.	116
Barbaræ Virginis & Martyris.	118

C.

CAnuti Regis & Martyris.	8
Conradi Confessoris.	5
Casimiri Confessoris.	16
Coletæ Virginis.	17
Catharinæ Bononiensis Virginis.	17
Catharinæ Senensis Virginis.	42
Cunegundis Virginis.	67
Cajetani Confessoris.	69
Claræ ab Affiso Virginis.	71
Camilli de Lellis Confessoris.	72
Claræ de Monte Falcione Virginis.	78
Cosmæ & Damiani Martyrum.	97
Caroli Borromæi Episcopi & Conf.	106
Conceptio Immaculata S. M. Virginis.	118

D.

DEsponsatio B. Mariæ Virginis.	9
Davidis Episc. Menevensis & Conf.	16
VII. Dolorum B. Mariæ Virginis.	23
Dominici Confessoris.	69
Danielis & Sociorum Martyrum.	100
Didaci Com. lutenfis Confessoris.	107
De. phinæ Virginis.	113

E.

ELisabeth Portugalliæ Viduæ.	61
Eustachii & Sociorum Martyrum.	89
Elzearii Comitæ & Confessoris.	91
Eduardi Regis & Confessoris.	99
Elisabeth Hungariæ Viduæ.	111
Edmundi Regis & Martyris.	112
Eusebii Episcopi & Martyris.	121
Expectatio Partus B. Mariæ Virginis.	122

F.

T A B U L A,

F.

F rancisci Salesii Episcopi & Conf.	9
Franciscæ Romanæ Viduæ.	18
<i>Fidelis à Sigmaringa Martyris.</i>	36
<i>Felicis à Cantalicio Confessoris.</i>	48
<i>Francisci Solani Confessoris.</i>	67
<i>Francisci ab Assisio Confessoris.</i>	95
<i>Francisci à Borgia Confessoris.</i>	98
<i>Felicis Valesii Confessoris.</i>	115
<i>Francisci Xaverii Confessoris.</i>	116

G.

G abriëlis Archangeli.	20
Octava S. Georgii Martyris.	37
Gregorii VII. Papæ & Confessoris.	55
Guidonis Confessoris.	57
Gertrudis Abbatissæ & Virginis.	110
<i>Gabriëlis Ferretti Confessoris.</i>	121

H.

H Yacinthæ Marescottæ Virginis.	10
Hermenegildi Regis & Martyris.	33
<i>Humiltianæ de Cerchiis Viduæ.</i>	54
Henrici Imperatoris & Confessoris.	62
Hyacinthi Confessoris.	80
<i>Helenæ Imperatricis Viduæ.</i>	80
Hedwigis Viduæ	101
<i>Helenæ Paduanæ Virginis.</i>	107

I.

I oannæ Valesiæ Viduæ.	11
Joannis de Mathâ Confessoris.	12
<i>Iosaph à Leonissa Confessoris.</i>	14
Joannis de Deo Confessoris.	19
Isidori Episc. Conf. & Doctoris.	28
<i>Jacobi à Biterro Confessoris</i>	36
Joannis Nepomuceni Martyris.	43
<i>Ivonis Confessoris.</i>	46

Joannis

T A B U L A.

<i>Joannis de Pradô Martyris.</i>	55
<i>Joannis à S. Facundo Confessoris.</i>	59
<i>Julianæ de Falconeriis Virginis.</i>	60
<i>Joannis Gualberti Abb. & Confessoris.</i>	62
<i>Joannis de Dukla Confessoris.</i>	66
<i>Ignatii de Loyola Confessoris.</i>	69
<i>Joachim Pat. B. M. V. Confessoris.</i>	75
<i>Isabellæ Virginis.</i>	83
<i>Joannis & Petri Martyrum.</i>	84
<i>Josephi à Cupertino Confessoris.</i>	89
<i>Joannis à Capistrano Confessoris.</i>	104
<i>Jacobi de Marchiâ Confessoris.</i>	114
<i>Joannis à Cruce Confessoris.</i>	115

L.

L <i>Udovicæ Albertoniæ Viduæ.</i>	10
<i>Leonis I. Papæ Confessoris. & Doct.</i>	29
<i>Lucii Confessoris.</i>	34
<i>Ludovici Episcopi & Confessoris.</i>	78
<i>Ludovici Regis & Confessoris.</i>	80
<i>Laurentii Justin. Episc. & Confessoris.</i>	85
<i>Luciæ Virginis 3. Ordinis.</i>	91
<i>Ladislai Gielnoviensis Confessoris.</i>	104

M.

M <i>Argaritæ de Cortonâ Viduæ.</i>	15
<i>Monicæ Viduæ.</i>	40
<i>Marizæ Magdalenæ de Pazzis Virg.</i>	54
<i>Margaritæ Reginæ Scotiæ Viduæ.</i>	57
<i>Michælinæ Pisauriensis Viduæ.</i>	60
<i>S. Mariæ V. de Monte Carmelo.</i>	63
<i>Margaritæ Virginis & Martyris.</i>	67
<i>S. Mariæ Angelorum.</i>	68
<i>S. Mariæ Virg. de Mercede.</i>	90

N.

SS. N <i>OMINIS JESU.</i>	1
<i>Norberti Episc. & Confessoris.</i>	56
Nicolaj	

T A B U L A.

Nicolai & Sociorum Martyrum.	61
SS. Nominis B. Mariæ Virginis.	85

P.

P etri Nolasco Confessoris.	11
<i>Petri Baptistæ & Sociorum Martyrum.</i>	12
Patritii Episcopi & Confessoris.	19
<i>Patrocinii S. Joseph Confessoris.</i>	38
Piſſi V. Papæ & Confessoris.	41
<i>Petri Regalado Confessoris.</i>	43
<i>Paschalis Baylon Confessoris.</i>	44
Petri Cælestini Papæ & Conf.	49
Philippi Nerii Confessoris.	52
<i>Pacifici à Ceredano Confessoris.</i>	56
<i>Petri à Moliano Confessoris.</i>	72
Philippi Benitii Confessoris.	80
<i>Petri de Alcantarâ Confessoris.</i>	102
<i>Patrocinii S. Mariæ Virginis.</i>	106
Petri Chrysologi Episc. Conf. & Doct.	120

R.

R aymundi de Pennafort Confessoris.	13
<i>Rogerii Confessoris.</i>	16
<i>Rosæ de Viterbo Virginis.</i>	17
<i>Raphaëlis Archangeli.</i>	34
<i>Rochi Confessoris.</i>	78
Raymundi Nonnati Confessoris.	82
<i>Rosæ Limanæ Virginis.</i>	84
SS. Rosarii B. Mariæ Virginis.	91

S.

S cholasticæ Virginis.	13
<i>Salvatoris ab Hortâ Confessoris.</i>	20
<i>Simonis à Lipnica Confessoris.</i>	66
Stephani Regis & Confessoris.	83
<i>Seraphinæ Sfortiæ Viduæ.</i>	86
<i>Sacrorum Stigmatum S. P. Francisci.</i>	87
<i>Seraphini Ord. Capuc. Confessoris.</i>	99
<i>Salomæ</i>	

T A B U L A.

<i>Salomeæ Reginae Virginis.</i>	111
<i>Sanctorum Omnium Ordinis Minorum.</i>	113

T.

T <i>Homæ de Villâ Novâ Episc. Conf.</i>	90
<i>Tereſiæ Virginis.</i>	100
<i>Translatio S. Antonii de Paduâ.</i>	14
<i>Translatio S. Bonaventuræ.</i>	19
<i>Translatio S. Elisabeth Hungariæ.</i>	36
<i>Translatio S. Paschalis Baylon.</i>	37
<i>Translatio S. Petri de Alcantarâ.</i>	37
<i>Translatio S. Didaci Complutensis.</i>	40
<i>Translatio S. Bernardini Senensis.</i>	46
<i>Translatio S. P. Francisci.</i>	50
<i>Translatio S. Elzearii.</i>	59
<i>Translatio S. Rosæ de Viterba.</i>	84
<i>Translatio S. M. Claræ.</i>	95
<i>Translatio S. Iuanis.</i>	105
<i>Translatio S. Ludovici Episc.</i>	107

V.

V <i>Iridianæ Virginis.</i>	14
<i>Vincentii Ferrerii Confessoris.</i>	29
<i>Ualdi Episc. & Confessoris.</i>	43
<i>Venantii Martyris.</i>	50
<i>Vincentii à Paulo Confessoris.</i>	68
<i>Ursulæ & Soc. Virg. & Martyrum.</i>	104

W.

W <i>Encesslai Ducis & Martyris.</i>	98
<i>Winefridæ Virginis & Martyris.</i>	106

<i>Quædam nova Decreta, Urbis & Orbis.</i>	126
<i>Benedictio Chordæ S. P. N. FRANCISCI.</i>	130
<i>Absolutio Ord. pro Articulo mortis.</i>	132
<i>Absolutio ab Hæresi.</i>	134
<i>Missæ votiva ad postuland.</i>	122



FESTA JANUARIJ.

DOMINICA 2 post Epiphaniam.

SS. *Nominis* DOMINI *nostri*
JESU CHRISTI.

Introitus.



N Nomine JESU omne
genu flectatur, cœlestium,
terrestrium & inferno-
rum: & omnis lingua
confiteatur, quia Dominus
JESUS CHRISTUS
in gloria est Dei Patris.

Psal. Domine Dominus noster: quam
admirabile est nomen tuum in universa
terra! Gloria Patri.

O R A T I O.

DEUS, qui unigenitum Filium tuum
constituisti humani generis Salvato-
torem, & Jesum vocari jussisti: concede
B propi-

propitius; ut cujus Sanctum Nomen veneramur in terris, ejus quoque aspectu perfruamur in Coelis : Per eundem Dominum.

Lectio Actuum Apostolorum.

IN diebus illis : Repletus Spiritu Sancto Petrus, dixit : Principes populi, & Seniores, audite : si nos hodie dijudicamur in beneficio hominis infirmi, in quo iste salvus factus est, notum sit omnibus vobis, & omni plebi Israel : quia in nomine Domini nostri JESU CHRISTI Nazareni, quem vos crucifixistis, quem Deus suscitavit à mortuis, in hoc iste astat coram vobis sanus. Hic est lapis, qui reprobatus est à vobis ædificantibus, qui factus est in caput anguli : & non est in aliquo alio salus. Nec enim aliud nomen est sub Cælo datum hominibus, in quo oporteat nos salvos fieri.

Grad. Salvos fac nos Domine Deus noster : & congrega nos de nationibus : ut confiteamur nomini sancto tuo, & gloriemur in gloria tua. Tu Domine Pater noster, & Redemptor noster, à sæculo nomen tuum. Alleluja, alleluja. Laudem Domini loquetur os meum; & benedicat omnis caro nomen sanctum

sanctum ejus. Alleluja. *Post Septuag.
omisso Alleluja, & versu dicitur Tract.*
Deus virtutum converte nos : & ostende
faciem tuam & salvi erimus : sonet vox
tua in auribus meis. Vox enim tua dul-
cis, & facies tua decora nimis. Oleum
effusum nomen tuum JESU, ideo
adolescentulæ dilexerunt te.

*Tempore Paschali omittitur Graduale,
& ejus loco dicitur.* Alleluja, alleluja.
Laudem Domini loquetur os meum : &
benedicat omnis caro nomen sanctum
ejus. Alleluja. Exaltabo te Deus meus
Rex, & benedicam nomini sancto tuo
JESU in sæculum, & in sæculum sæ-
culi. Alleluja.

S E Q U E N T I A.

L Auda Sion Salvatoris
JESU nomen & amoris,
Toto cordis júbilo.

Nomen sanctum nos amare
Decet semper & laudare
Absque mentis nubilo.

JESU nomen potestatis
Atque æternæ majestatis,
Summi Patris brachium.
Coelos fecit, terræ molem,
JESU nomen, atque solem,
Et coeleste gaudium.

Angelorum ingens cœtus,
Protoplastesque perfectus,
Fuit J E S U nomine.
Ut aquarum magni fontes
Sunt immissi super montes
Justo rerum ordine.
In Ægypto fecit signa
J E S U nomen, & maligna
Perdidit prodigia.
Scisso pelago transvexit
Israelem, & demersit
Hostium insignia.
Hujus nominis virtute
Superborum sunt destructæ
Dæmonum potentia.
Simulacra Idolorum
Sunt everfa, tyrannorum
Fractæ violentiæ:
J E S U nomen figuratum,
Vehementer expectatum
Patrum desiderio.
Revelatum nobis quidem
Dedit spem, amorem, fidem,
Maximo mysterio.
Nomen ergo hoc amandum
Toto corde, & adorandum
Omni reverentiâ.
In adversis nomen sanctum
Invocetur J E S U tantum,
Aderit præsentia,

Præsen-

Præsentia Deitatis,
Et totius bonitatis
Dulcis JESUS aderit.
Fugat morbos & livores,
Sed & animi languores,
JESUS ubi venerit.
Veni JESU nomen dulce,
Et te cordi nostro pone
Nobile signaculum. Amen.
Alleluja.

Sequentia sancti Evangelii secundum
Lucam.

IN illo tempore : Postquam consum-
mati sunt dies octo , ut circumcidere-
tur puer : vocatum est nomen ejus JE-
SUS ; quod vocatum est ab Angelo
priusquam in utero conciperetur. *Dicitur*
Credo.

Offertorium. Confitebor tibi , Do-
mine Deus meus, in toto corde meo, &
glorificabo Nomen tuum in æternum :
quoniam tu Domine suavis & mitis ; &
multæ misericordiæ omnibus invocanti-
bus te. Alleluja.

Secreta.

Benedictio tua , clementissime Deus,
quâ omnis viget creatura, sanctificet
quæsumus hoc Sacrificium nostrum,
quod ad gloriam Nominis Filii tui Do-
mini nostri JESU CHRISTI offe-
rimus tibi : ut majestati tuæ placere pos-

fit ad laudem ; & nobis proficere ad salutem. Per eundem Dominum.

Præfatio de Nativitate.

Communio. Omnes gentes quasunque fecisti ; venient , & adorabunt coram te Domine , & glorificabunt nomen tuum : quoniam magnus es tu , & faciens mirabilia : tu es Deus solus. Alleluja.

Postcommunio.

OMnipotens æternæ Deus , qui creâsti & redemisti nos , respice propitius vota nostra : & sacrificium salutaris hostiæ , quod in honorem Nominis Filii tui Domini nostri JESU CHRISTI majestati tuæ obtulimus , placido & benigno vultu suscipere digneris ; ut gratia tua nobis infusa , sub glorioso Nomine JESU , æternæ prædestinationis titulo , gaudeamus nomina nostra scripta esse in Coelis. Per eundem Dominum.

DIE XVI. JANUARI.

SS. Martyr. Berardi & Soc. Ord. Min.

Introitus.

MUltæ tribulationes Justorum , & de his omnibus liberavit eos Dominus : Dominus custodit omnia ossa eorum , unum ex his non conteretur.
Psalm. Benedicam Dominum in omni tempore : semper laus ejus in ore meo.
Gloria Patri.

ORATIO.

O R A T I O.

L Argire nobis, quæsumus Domine, beatis Martyribus tuis Berardo, Petro, Accursio, Adjuto & Othone intercedentibus, cœlestia semper & Christum amare : quorum glorioso Martyrio, Ordinis Minorum initia consecrasti. Per eundem Dominum.

Epist. Fratres, Spectaculum facti sumus. *Ut in comm. Conf. non Pont. 2. loco.*

Grad. Vindica Domine sanguinem Sanctorum tuorum, qui effusus est. Posuerunt morticina servorum tuorum Domine escas volatilibus Cœli : Carnes sanctorum tuorum bestiis terræ. Alleluja, alleluja. Hæc est vera fraternitas, quæ vicit mundi crimina : Christum secuta est, inclyta tenens regna cœlestia. Alleluja.

Post. Septuag. Tractus. Qui seminant in lacrymis, in gaudio metent. Euntes ibant & flebant mittentes semina sua. Venientes autem venient cum exultatione, portantes manipulos suos.

Temp. Paschali. Alleluja, alleluja. Hæc est vera fraternitas, quæ vicit mundi crimina : Christum secuta est, inclyta tenens regna cœlestia. Alleluja. Pretiosa in conspectu Domini mors sanctorum ejus. Alleluja.

Evang.

Evang. Ecce ego mitto vos. *Ut in festo Sancti Barnabæ 11. Junii. Dicitur Credo.*

Offert. Justorum animæ in manu Dei sunt, & non tanget illos tormentum mortis: visi sunt oculis insipientium mori, illi autem sunt in pace. Alleluja.

Secreta.

PRO pretiosa, Domine, tuorum morte Sanctorum sacrificium illud offerimus: quo opem tuam nostris temporibus clementer impendas; & gratiam nobis veræ devotionis exhibeas. Per Dominum.

Communio. Dico autem vobis amicis meis: ne terreamini ab his qui vos persequuntur.

Postcommunio.

CŒlestia Domine dona, quæ sumpsimus, vitam nobis tribuant sempiternam: quam cum Beatorum Martyrum tuorum Berardi, Petri, Accursii, Adjuti, atque Othonis gloriosis meritis imploramus. Per Dominum.

DIE XIX. JANUARI.

In Festo S. Canuti Regis & Martyris.

Missa. In Virtute tua. *De Communio Martyris non Pont. 1. loco.*

O R A T I O.

DEUS, qui ad illustrandam Ecclesiam tuam Beatum Canutum Danorum Regem,

Regem, Martyrii palma, & gloriosis miraculis decorare dignatus es: Concede propitius; ut sicut ipse Dominicae passionis imitator fuit, ita nos per ejus vestigia gradientes, ad gaudia sempiterna pervenire mereamur. Per eundem Dominum.

Evang. Si quis vult post me venire.
De Com. unius Mart. Pont. 2. loco. Sine Credo.

DIE XXIII. JANUARI.

In Festo Desponsationis B. V. Mariæ.

Missa, ut in festo Nativitatis ejusdem, 8. Sept. dicendo, loco. Nativitatis. Desponsationis. Evang. Cum esset desponsata. *Ut in festo S. Joseph 19. Martii. Dicitur Credo. In Præf. Et te in Desponsatione.*

DIE XXIX. JANUARI.

In Festo S. Francisci Salesii Episc. Conf.

Missa. Statuit ei Dominus. De Com. Conf. Pont. 1. loco. Sine Credo.

O R A T I O.

DEUS, qui ad animarum Salutem Beatum Franciscum Salesium Confessorem tuum atque Pontificem, omnibus omnia factum esse voluisti: Concede propitius; ut Charitatis tuæ dulcedine perfusi, ejus dirigentibus monitis, ac suffragantibus meritis, æterna gaudia consequamur. Per Dominum.

DIE

DIE XXX. JANUARI.

*B. Hyacinthæ Virg. 3. Ordinis.**Missa. Dilexisti. De Com. Virg. 1. loco. Sine Credo.*

O R A T I O.

DEUS, qui beatam Hyacintham Virginem tuam jugis mortificationis, & charitatis victimam effecisti, ejus nobis exemplo & intercessione concede; ut peccata nostra deslere, & te semper diligere valeamus. Per Dominum nostrum.

DIE XXXI. JANUARI.

*B. Ludovicæ Albertoniæ Viduæ. 3. Ord.**Missa. Cognovi. Ut in Com. nec. Virg. nec Mart. Epist. Charissime, Vi-
duas honora. Sine Credo.*

O R A T I O.

DEUS, qui beatæ Ludovicæ inter cæteras egregias dotes insignem, verèque singularem erga Christi pauperes charitatis prærogativam misericorditer contulisti; concede nobis famulis tuis, ejus suffragantibus meritis charitatem, quâ te super Omnia toto cordis affectu diligere valeamus. Per Dominum nostrum.

FESTA

[II]

FESTA FEBRUARII.

DIE I. FEBRUARII.

B. Andreae de Comit. Conf. Ord. Min.

Missa Justus. De Com. Conf. non Pont.

2. loco. Sine Credo.

DIE III. FEBRUARII.

S. Petri Nolasci Confessoris.

Missa. Justus ut Palma. De Com.

Conf. non Pont. 2. loco. Sine Credo.

O R A T I O.

DEUS, qui in tuæ Charitatis exemplum, ad fidelium redemptionem, Sanctum Petrum Ecclesiam tuam nova prole fecundare divinitus docuisti: ipsius nobis intercessione concede; a peccati servitute solutis, in cœlesti patria perpetua libertate gaudere. Qui vivis & regnas.

DIE IV. FEBRUARII.

B. Joannæ Valesiæ Reginæ Galliæ Viduæ Annunt. Fund.

Missa. Cognovi. De Com. nec Virg. nec Mart. sine Credo.

O R A T I O.

DEUS, qui ad imitandum Beatæ Virginis Filii tui Genitricis Virtutes, novum per Beatam Joannam Sacrarum Virginum Cœtum institui Voluisti; ejus meritis, precibusque concede: ut per eadem gradiamur Virtutum exempla. Per eundem Dominum.

DIE

DIE V. FEBRUARII.

S. S. Martyrum Japonentium Petri Baptistæ & Sociorum Ord. Minorum.

Missâ. Salus autem Justorum. De 3. Com. Plurim. Mart.

O R A T I O.

DEUS, qui primitias fidei apud Japoniæ Gentes beatorum Martyrum Petri-Baptistæ & Sociorum ejus Sanguine dedicasti; concede propitius, ut ad tui nominis confessionem, quorum excitamur exemplis, eorum precibus adjuvemur. Per Dominum.

Post. Grad. Hæc est vera fraternitas. Ut 16. Jan. Evang. Descendens Jesus. Ut in 2. Com. Dicitur Credo.

DIE VII. FEBRUARII.

B. Antonii a Stronconio Conf. Ord. Min.

Missâ. Justus ut Palma. De Com. Conf. non Pont. 2 loco. Sine Credo.

DIE VIII. FEBRUARII.

S. Joannis de Matha Confessoris.

Missâ. Os Justi. De Com. Conf. non Pont. 1. loco. Sine Credo.

O R A T I O.

DEUS, qui per Sanctum Joannem Ordinem Sanctissimæ Trinitatis ad redimendum de potestate Saracenorum captivos coelitus instituere dignatus es; Præsta quæsumus; ut ejus
suffra-

suffragantibus meritis, a captivitate corporis & animæ liberemur. Per Dominum.

DIE IX. FEBRUARII.

S. Apolloniæ Virg. & Martyris.

Missa. Loquebar. De Com. Virg. & Mart. i. loco. Sine Credo.

DIE X. FEBRUARII.

S. Scholasticæ Virginis.

Missa. Dilexisti. De Com. Virg. tantum. i. loco. Sine Credo.

O R A T I O.

DEUS, qui animam Beatæ Virginis tuæ Scholasticæ, ad ostendendam innocentiae viam, in columbæ specie cœlum penetrare fecisti: da nobis ejus precibus & meritis; ita innocenter vivere, ut ad æternæ mereamur gaudia pervenire. Per Dominum.

DIE XII. FEBRUARII.

S. Raymundi de Pennafort Confessoris.

Missa. Os Justi. De Com. Conf. non Pont. i. loco. Sine Credo.

O R A T I O.

DEus, qui beatum Raymundum pœnitentiæ Sacramenti insignem ministrum elegisti, & per maris undas mirabiliter traduxisti: Concede, ut ejus intercessione, dignos pœnitentiæ fructus facere, & ad æternæ salutis portum pervenire valeamus. Per Dominum.

C

DIE

DIE XIV. FEBRUARII.*B. Viridianæ Virginis 3. Ordinis.**Missa. Dilexisti. De Com. Virg. tant.
1. loco. Sine Credo.***DIE XV. FEBRUARII.***Translatio S. Antonii de Padua. Conf.
Ord. Minorum.**Missa ut in die natalis ejusdem 13.
Junii : sed loco si solemnitas ponitur
Translatio. Sine Credo.***DIE XVII. FEBRUARII.***S. Andreae Corsini Episc. & Conf.**Missa. Statuit ei Dominus. De 1. Com.
Conf. Pont. sine Credo.***O R A T I O.**

DEUS, qui in Ecclesia tua nova semper instauras exempla virtutum : da populo tuo beati Andreae Confessoris tui atque Pontificis ita sequi vestigia, ut assequatur & præmia. Per Dominum.

DIE XVIII. FEBRUARII.*S. Joseph a Leonissa Conf. Ord. Min. Cap.**Missa. Justus ut palma. De Com. Conf.
non Pont. 2. loco. Evangel. Designavit Dominus.
Ut in Festo S. Marci 25. Aprilis.
Sine Credo.***O R A T I O.**

DEUS, Fidelium Remunerator Servorum, qui Beatum Josephum eximium in Evangelicâ prædicatione operarium

rium effecisti; ejus quæsumus intercessionem concede, ut à grato tibi Servizio numquam cessemus in terris, & plenam à te mercedem recipiamus in Cœlis. Per Dominum.

DIE XIX. FEBRUARI.

S. Conradi Confessoris 3. Ordinis.

Missæ. Justus ut Palma. De 2. Com. Conf. non Pont. Evang. Ecce nos reliquimus omnia. De Com. Abbatum. Dicitur Credo.

DIE XXII. FEBRUARI.

S. Margaritæ de Cortona Vid. 3. Ordinis,

Missæ. Cognovi. De Com. nec Virg. nec Mart. Dicitur Credo, & per Octavam.

O R A T I O.

DEUS, qui famulam tuam Margaritam de perditionis via ad salutis tramitem misericorditer deduxisti: eadem nobis miseratione concede; ut quam prius errantem, sectari non erubuimus mox pœnitentem impigrè sequi gloriemur. Per Dominum.

Epistola. Surgam & circuibo, &c. ut in Festo S. Mariæ Magd. 22 Julii.

Evangeliū. Simile est regnum cœlorum thesauro, &c. Dicitur Credo. Et per Octavam.

S E C R E T A.

Placationis Hostia, quam tibi offerimus Domine, Beatæ Margaritæ inter-

terveniente suffragio, optatæ nobis indulgentiæ plenitudinem elargiatur. Per Dominum.

Postcommunio.

UBeres Domine, Sanctæ tuæ Margaritæ lacrymæ duritiem nostri cordis emolliant; ut per hujus virtutem Sacramenti debitas reatibus flammæ incessanti fletu extinguamus. Per Dominum nostrum.

FESTA MARTII.

DIE I. MARTII.

*S. Davidis Episc. & Conf. Patroni Walliæ
ubi celebratur.*

*Missa. Statuit. De Com. Conf. Pont.
1. loco. Etiam Oratio. Dicitur Credo.*

DIE-IV. MARTII.

S. Casimiri Confessoris.

*Missa. Os Justi. De Com. Conf. non
Pont. 1. loco. Sine Credo.*

O R A T I O.

DEus, qui inter regales delicias, & mundi illecebras, sanctum Casimirum virtute constantiæ roborasti: quæsumus, ut ejus intercessione fideles tui terrena despiciant, & ad cœlestia semper aspirent. Per Dominum.

DIE V. MARTII.

B. Rogerii Conf. Ord. Min.

*Missa. Os just. De Com. Conf. non
Pont. 1. loco. Sine Credo.*

DIE

DIE VI. MARTII.

B. Coletæ Virginis Ordinis S. Claræ.

Missæ. Vultum tuum. De Com. Virg. tant. 2. loco. Evang. de decem virginibus 1. loco. Sine Credo.

O R A T I O.

Domine Jesu, qui beatam Coletam sponsam tuam innumeris dotibus decorasti: tribue quæsumus; ut quo spiritu seraphicam regulam pristinæ puritati restituit, eodem intus reformari mereamur. Qui vivis & regnas cum Deo Patre in unitate ejusdem Spiritus sancti Deus.

DIE VIII. MARTII.

S. Rosæ Viterbiensis Virg. 3. Ordinis.

Missæ. Dilexisti. De Com. Virg. tant. 1. loco. Sine Credo.

O R A T I O.

Deus, qui Beatam Rosam Sanctarum tuarum Virginum collegio aggregare dignatus es: tribue nobis, quæsumus; ut ejus precibus & meritis a culpis omnibus expiemur, & tuæ Majestatis consortio perfruamur æterno. Per Dominum.

DIE IX. MARTII.

S. Catharinæ Bononiensis Virginis. Ord. S. Claræ.

Missæ. Vultum tuum. De Com. Virg. tant. 2. loco. Evang. de 10. Virginibus. 1. loco. Dicitur Credo.

O R A T I O.

Concede nos famulos tuos Deus beatæ Catharinæ Virginis Suffragiis adjuvari : cuius odore unguentorum trahimur ad tua sancta lætantes. Per Dominum.

Secreta.

Illo nos igne in hoc Sacrificio offerendo, fac quæsumus Domine vehementer accendi : quo beata Catharina virgo seipsam tibi offerebat jugiter famulari. Per Dominum.

Postcommunio.

Majestatem tuam, Domine, suppliciter exoramus, ut sicut beatæ Catharinæ Virginis corpus incorruptum servasti : ita nos facias per hæc sancta quæ sumpsimus ; ab omni culparum labe servari. Per Dominum.

D I E X I. M A R T I I.

S. Franciscæ Romanæ Viduæ.

Missa. Cognovi. De Com. nec Virg. nec Mart. Sine Credo.

O R A T I O.

Deus, qui beatam Franciscam famulam tuam, inter cætera gratiæ tuæ dona, familiari Angeli consuetudine decorasti : concede quæsumus ; ut intercessionis ejus auxilio, Angelorum confortium consequi mereamur. Per Dominum,

D I E

DIE XIII. MARTII.

S. Joannis de Deo Confessoris.

*Missa. Justus ut Palma. De Com. Conf.
non Pont. 2. loco. Evang. Accesserunt ad
Jesum Pharisei, ut in Dom. XVII. post
Pentecosten. Sine Credo.*

O R A T I O.

DEus, qui beatum Joannem tuo amore
succensum inter flammam innoxium
incedere fecisti, & per eum Ecclesiam
tuam nova prole fecundasti: præsta ip-
sius suffragantibus meritis; ut igne chari-
tatis tuæ vitia nostra purgentur, & remedia
nobis æterna proveniant. Per Dominum.

DIE XIV. MARTII.

*Translatio S. Bonaventuræ Episc. Conf.**Doct. Ord. Min.*

*Missa ut in ejus die Natali, 14 Julii.
Sine Credo.*

DIE XVII. MARTII.

S. Patritii Episcopi & Confessoris.

*Missa. Statuit. De Com. Conf. Pont. 1.
loco. Sine Credo.*

O R A T I O.

DEus qui ad prædicandam gentibus
gloriam tuam beatum Patritium
Confessorem, atque Pontificem mittere
dignatus es: Ejus meritis, & intercessione
concede; ut quæ nobis agenda præcipis,
te miserante adimplere possimus. Per
Dominum.

DIE

DIE XVIII. MARTII.

*B. Salvatoris ab Horta Conf. Ord. Min.
Missa. Justus. De Com. Conf. non Pont.
2. loco. Sine Credo.*

DIE XXII. MARTII.

*S. Benvenuti Episcopi & Confessoris
Ord. Min.*

*Missa. Sacerdotes. De Com. Conf.
Pont. 2. loco. Dicitur Credo.*

DIE XXIV. MARTII.

*S. Gabrielis Archangeli. pro Ord. Min.
Introitus.*

PRævenerunt principes conjuncti psal-
lentibus in medio juvenicularum tym-
panistriarum. *Psal.* Exurgat Deus, &
dissipentur inimici ejus: & fugiant qui
oderunt eum à facie ejus. Gloria Patri.

O R A T I O.

DEus, qui per Archangelum tuum
Gabrielem, Salvatorem mundi sa-
cratissimæ Virgini concipiendum nunti-
âsti: da ut eundem & mente purâ concip-
piamus, & fervido imitemur affectu.
Qui tecum vivit & regnat, &c.

*Lectio libri Apocalypsis Beati Joannis
Apostoli.*

ET septimus Angelus tuba cecinit:
& factæ sunt voces magnæ in cælo,
dicentes: factum est regnum hujus mun-
di, Domini nostri & CHRISTI ejus,
&

& regnabit in sæcula sæculorum : Amen.
Et viginti quatuor seniores , qui in conspectu Dei sedent in sedibus suis, ceciderunt in facies suas , & adoraverunt Deum, dicentes : gratias agimus tibi, Domine Deus omnipotens, qui es, & qui eras, & qui venturus es : qui accepisti virtutem tuam magnam, & regnasti. Et apertum est templum Dei in Cœlo : & visa est arca testamenti in templo ejus. Et signum magnum apparuit in cœlo : Mulier amicta sole, & luna sub pedibus ejus, & in capite ejus, corona stellarum duodecim : & in utero habens clamabat parturiens, & cruciabatur ut pariat. Et peperit filium masculum, qui recturus erat omnes gentes in virga ferrea.

Graduale. Attollite portas principes vestras & elevamini portæ æternales : & introibit Rex gloriæ. *Vers.* Quis est iste Rex gloriæ? Dominus fortis & potens : Dominus potens in prælio.

Tractus. Ecce vir unus Gabriel vestitus lineis, & renes ejus accinctus auro obriso. Et corpus ejus quasi Chrysolitus, & facies velut species fulguris. Et oculi ejus ut lampas ardens, & brachia ejus, & quæ deorsum sunt usque ad pedes, quali species æris candentis : Vox sermonum ejus quasi vox multitudinis.

Tempora

Tempore Paschali. Alleluja, alleluja.

Missus est Angelus Gabriel, ad Mariam Virginem desponsatam Joseph. Alleluja. *Vers.* Ecce vir unus Gabriel, quem videram à principio cito volans tetigit me, & docuit me. Alleluja.

Evang. Missus est: *ut in Festo Annunt. B. V. Mariæ 25. Martii. Dicitur Credo.*

Offertorium. Benedicite Dominum omnes Angeli ejus, potentes virtute, facientes verbum illius, ad audiendam vocem sermonum ejus.

Secreta.

EXaudi Domine preces nostras, quas per Archangelum tuum Gabrielem mittimus præsentandas, quibus suppliciter exoramus: ut & hanc hostiam salutarem, & per eam nos tibi sacratos in odorem suavitatis suscipias. Per Dominum.

Communio. Ecce Michael unus de Principibus primis venit in adiutorium meum.

Postcommunio.

Roborent nos, quæsumus Domine, sacra quæ sumpsimus: & favente Archangelo tuo Gabriele, in opere efficaces, & in tuo amore fervidi inveniamur. Per Dominum.

DIE XXX. MARTII.

*B. Angelæ Fulginatis Vid. 3. Ordinis,
Missa. Cognovi. De com. nec Virg.
nec Mart. Sine Credo.*

FESTA APRILIS.

*Feria VI. post Dominicam Passionis. Septem
Dolorum B. Mariæ Virginis.*

Introitus.

Stabat juxta Crucem Jesu Mater ejus,
& Soror Matris ejus Maria Cleo-
phæ, & Salome, & Maria Magdalene.
Vers. Mulier, ecce filius tuus, dixit Je-
sus : ad discipulum autem : Ecce Mater
tua. *Vers.* Gloria Patri.

Dicitur Gloria in Excelsis.

O R A T I O.

DEus, in cujus Passione, secundum
Simeonis Prophetiam, dulcissimam
animam gloriosæ Virginis & Matris Ma-
riæ doloris gladius pertransivit : concede
propitius ; ut qui transfixionem ejus &
passionem venerando recolimus, glo-
riosiis meritis & precibus omnium Sanc-
torum Cruci fideliter adstantium inter-
cedentibus, passionis tuæ effectum seli-
cem consequamur. Qui vivis & regnas.
Lectio

Lectio libri Judith.

Benedixit te Dominus in virtute sua, qui per te ad nihilum redegit inimicos. Benedicta es tu a Domino Deo excelsio præ omnibus mulieribus super terram. Benedictus Dominus, qui creavit coelum & terram ; quia hodie nomen tuum ita magnificavit , ut non recedat laus tua de ore hominum , qui memores fuerint virtutis Domini in æternum : pro quibus non pepercisti animæ tuæ propter angustias & tribulationes generis tui , sed subvenisti ruinæ ante conspectum Dei nostri.

Graduale. Dolorosa & lacrymabilis es virgo Maria , stans juxta crucem Domini Jesu filii tui Redemptoris. Alleluja, Alleluja. *Vers.* Virgo Dei Genitrix ; quem totus non capit orbis , hoc crucis fert supplicium vitæ factus homo. Alleluja. *Post septuagesimam omisso* , Alleluja. *Dicitur Tractus.* Stabat sancta Maria , cæli Regina , & mundi Domina , juxta crucem Domini nostri Jesu Christi , dolorosa. *Vers.* O vos omnes ; qui transitis per viam attendite & videte si est dolor sicut dolor meus.

Sequentia

*Sequentia dicenda in die festivitatis.
tantum, & non in Missis Votivis.*

S Tabat mater dolorosa
Juxta crucem lacrymosa,
Dum pendeat filius.

Cujus animam gementem,
Contristatam & dolentem
Pertransiuit gladius.

O quam tristis & afflicta
Fuit illa Benedicta
Mater Unigeniti!

Quæ mærebat & dolebat,
Et tremebat, cum videbat
Nati poenas incliti.

Quis est homo qui non fletet
Christi matrem si videret
In tanto supplicio?

Quis posset non contristari,
Piam Matrem contemplari
Dolentem cum filio?

Pro peccatis suæ gentis,
Vidit Jesum in tormentis
Et flagellis subditum.

Vidit suum dulem natum
Morientem desolatum,
Dum emisit spiritum.

Eia Mater fons amoris,
Me sentire vim doloris,
Fac ut tecum lugeam.

Fac ut ardeat cor meum,
In amando Christum Deum,
Ut sibi complaceam.

Sancta mater istud agas,
Crucifixi fige plagas
Cordi meo valide.

Tui nati vulnerati,
Tam dignati pro me pati.
Pœnas mecum divide.

Fac me vere tecum flere
Crucifixo condolere
Donec ego vixero.

Juxta crucem tecum stare,
Te libenter sociare
In planctu desidero.

Virgo virginum præclara,
Mihi jam non sis amara,
Fac me tecum plangere.

Fac ut portem Christi mortem,
Passionis fac consortem,
Et plagas recolere.

Fac me plagis vulnerari,
Cruce hac inebriari,
Ob amorem filii.

Inflammatum & accensum,
Per te, virgo, sim defensus
In die Judicii.

Fac me cruce custodiri,
Morte Christi præmuniri,
Consoveri gratia.

Quando

Quando corpus morietur,

Fac ut animæ donetur

Paradisi Gloria. Amen.

In Missis votivis Temp. Paschali.

Alleluja, Alleluja. Stabat sancta Maria
Cœli Regina, & mundi Domina, juxta
crucem Domini nostri Jesu, dolorosa.

Alleluja. *Vers.* O vos omnes, qui tran-
sitis per viam, attendite & videte si est
dolor sicut dolor meus. Alleluja.

Sequentia sancti Evangelii secundum
Joannem.

IN illo tempore, stabant juxta Cru-
cem Jesu, Mater ejus, & soror Ma-
tris ejus Maria Cleophæ, & Maria Mag-
dalene. Cum vidisset ergo Jesus Ma-
trem, & discipulum stantem, quem di-
ligebat, dicit matri suæ; Mulier, ecce Fi-
lius tuus. Deinde dixit discipulo: Ecce
Mater tua. Et ex illa hora accepit eam
discipulus in sua. *Dicitur Credo.*

Offertorium. Recordare virgo Mater
Dei dum steteris in conspectu Domini,
ut loquaris pro nobis bona, & ut aver-
tat indignationem suam a nobis.

Secreta.

Offerimus tibi preces & hostias, Do-
mine Jesu Christe, humiliter sup-
plicantes; ut qui transfixionem dulcis-
simi spiritus Beatæ Mariæ matris tuæ
precibus recensemus; suæ, suorumque

sub cruce sanctorum consortium multiplicato piissimo interventu, meritis mortis tuæ, meritum cum Beatis habeamus. Qui vivis & regnas. &c.

In Præfatione. Et te in Transfixione.

Communio. Felices sensus beatæ Mariæ Virginis, qui fine morte meruerunt Martyrii palmam sub cruce Domini.

Postcommunio.

Sacrificia quæ sumpsimus, Domine Jesu Christe, Transfixionem Matris tuæ & Virginis devote celebrantes; nobis impetrent apud clementiam tuam omni boni salutaris effectum. Qui vivis & regnas.

DIE III. APRILIS.

B. Benedicti à S. Philadelphio Conf. Ord. Min.

Missæ. Justus ut Palma. *De Com. Conf. non Pont. 2. loco. Sine Credo.*

O R A T I O.

Deus, qui Beatum Benedictum Confessorem tuum cœlestibus donis locupletasti, eumque in Ecclesiâ tuâ Signis, & Virtutibus clârere fecisti; præsta quæsumus, ut ejus Meritis, & Precibus tua beneficia capiamus. Per Dominum. &c.

DIE IV. APRILIS.

S. Isidori Episcopi Conf. Doct.

Missæ. In medio Ecclesiæ. *De Com. Doct. etiam Oratio. Dicitur Credo.*

DIE

DIE V. APRILIS.

S. Vincentii Ferrerii Confessoris.

Missa. Os Justi. De Com. Conf. non Pont. 1. loco. Sine Credo.

O R A T I O.

DEus, qui Ecclesiam tuam Beati Vincentii Confessoris tui meritis & prædicatione illustrare dignatus es : concede nobis famulis tuis, ut & ipsius instruamur exemplis & ab omnibus ejus patrocinio liberemur adversis. Per Dominum.

DIE XI. APRILIS.

Missa. S. Leonis I. Papæ Conf. & Ecclesiæ Doctoris. Ex Decreto Benedicti XIV. Die 15. Octobris 1754.

Introitus. Eccl. 15.

IN Medio Ecclesiæ aperuit os ejus : & implevit eum Dominus spiritu sapientiæ, & intellectus : stolam gloriæ induit eum. *Psal. 91.* Bonum est confiteri Domino : & psallere nomini tuo, Altissime. *Vers. Gloria Patri.*

O R A T I O.

EXaudi, quæsumus Domine, preces nostras, quas in beati Leonis confessoris tui atque Pontificis solemnitate deferimus : & qui tibi dignè meruit famulari, ejus intercedentibus meritis, ab omnibus nos absolve peccatis. Per Dominum nostrum.

LECTIO Libri Sapientiae. *Ecc. 39.*

Justus cor suum tradet ad vigilandum
diluculo ad Dominum qui fecit illum:
& in conspectu Altissimi deprecabitur.
Aperiet os suum in oratione : & pro de-
lictis suis deprecabitur. Si enim Dominus
magnus voluerit, spiritu intelligentiae re-
plebit illum : & ipse tamquam imbres
emittet eloquia sapientiae suae, & in Ora-
tione confitebitur Domino. Et ipse di-
riget consilium ejus & disciplinam : & in
absconditis suis consiliabitur. Ipse palam
faciet disciplinam doctrinae suae, & in lege
testamenti Domini gloriabitur. Collauda-
bunt multi sapientiam ejus, & usque in
saeculum non delebitur. Non recedet me-
moria ejus : & nomen ejus requiretur à
generatione in generationem. Sapientiam
ejus enarrabunt gentes, & laudem ejus
enuntiabit Ecclesia.

Grad. Ps. 36. Os Justi meditabitur
sapientiam, & lingua ejus loquetur judi-
cium. *Vers.* Lex Dei ejus in corde ipsius:
& non supplantabuntur gressus ejus. Al-
leluja. Alleluja. *Vers.* Amavit eum Do-
minus, & ornavit eum : stolam gloriae
induit eum. Alleluja.

*Post Septuagesimam, omisso Alleluja,
& versu sequenti, dicitur Tractus. Ps. 3.*
Beatus vir qui timet Dominum : in man-
datis ejus cupit nimis. *Vers.* Potens in
terra

terra erit semen ejus : Generatio recto-
rum benedicetur. *Vers.* Gloria & divitiæ
in domo ejus : & justitia ejus manet in
sæculum sæculi.

Tempore Paschali omittitur. Graduale,
& ejus loco dicitur. Alleluja, alleluja.
Vers. Eccl. 45. Amavit eum Dominus,
& ornavit eum : stolam gloriæ induit
eum. Alleluja. *Vers. Osee. 14.* Justus
Germinabit sicut lilium : & florebit in
æternum ante Dominum. Alleluja.

*Sequentia Sancti Evangelii secundum
Matthæum. 16. b.*

IN illo tempore : Venit Jesus in partes
Cæsareæ Philippi : & interrogabat
discipulos suos, dicens : Quem dicunt ho-
mines esse Filium hominis? At illi dixerunt.
Alii Joannem Baptistam : alii autem Eliam :
alii verò Jeremiam : aut unum ex Prophe-
tis. Dicit illis Jesus. Vos autem quem me
esse dicitis? Respondens Simon Petrus,
dixit. Tu es Christus, Filius Dei vivi.
Respondens autem Jesus, dixit ei. Beatus
es Simon Barjona : quia caro & sanguis
non revelavit tibi, sed Pater meus, qui
in cœlis est. Et ego dico tibi, quia tu es
Petrus : Et super hanc Petram ædificabo
Ecclesiam meam : & portæ inferi non
prævalebunt adversus eam. Et tibi dabo
claves regni cœlorum. Et quodcumque
ligaveris

ligaveris super terram, erit ligatum & in coelis : & quodcumque solveris super terram, erit solutum & in coelis. Credo.

Offertorium. Psal. 88. Inveni David servum meum, oleo sancto meo unxi eum : manus enim mea auxiliabitur ei, & brachium meum confortabit eum.

Secreta.

SANCTI Leonis Confessoris tui atque Pontificis, quaesumus Domine, annua solemnitas pietati tuae nos reddat acceptos : ut per haec pie placationis officia, & illum beata retributio comitetur, & nobis gratiae tuae dona conciliet. Per Dominum nostrum.

Communio. Matth. 24. Beatus servus, quem, cum venerit Dominus, invenerit vigilantem : Amen dico vobis, super omnia bona sua constituet eum.

Postcommunio.

DEUS, fidelium remunerator animarum ; praesta, ut beati Leonis Confessoris tui atque Pontificis, cujus venerandam celebramus festivitatem, precibus indulgentiam consequamur. Per Dominum.

DIE XII. APRILIS.

B. Angeli a Clavasio Conf. Ord. Min.

Missa. Os Justi. De Comm. Conf. non Pont. I. loco. Sine Credo.

ORATIO.

O R A T I O.

DEUS, qui ad expugnandos Ecclesiæ tuæ hostes beatum Angelum Confessorem tuum invicta animi fortitudine roborasti: ejus nobis meritis, & intercessione concede, ut omnium hostium superatis insidiis perpetua pace lætemur. Per Dominum nostrum.

DIE XIII. APRILIS.

S. Hermenegildi Regis & Martyris.

Missa. In Virtute tua. *De Com. unius Martyris non Pont. i. loco. Evang. Si quis venit ad me. De Com. unius Mart. Pont. i. loco. Sine Credo.*

O R A T I O.

DEus, qui Beatum Hermenegildum martyrem tuum cœlesti regno terrenum postponere docuisti: da quæsumus nobis, ejus exemplo caduca despiciere, atque æterna sectari. Per Dominum.

Secreta.

Muneribus nostris, quæsumus Domine, precibusque susceptis; & cœlestibus nos munda misteris, & clementer exaudi. Per Dominum.

Postcommunio.

DA, quæsumus Domine Deus noster, ut, sicut tuorum commemoratione sanctorum, temporali gratulamur officio;
ita

ita perpetuo lætemur aspectu. Per Dominum.

Tempore Paschali Missa. Protexisti. Ut in Com. Martyrum temp. Paschali; cum orationibus & Evang. supradictis.

DIE XV. APRILIS.

B. Lucii Confessoris 3. Ordinis.

Missa. Justus ut Palma. De Com. Conf. non Pont. 2 loco. Sine Credo.

DIE XVI. APRILIS.

S. Raphaelis Archangeli.

Introitus. Benedicite Dominum. De Missa votiva de Angelis.

O R A T I O.

DEus qui Beatum Raphaelem Archangelum Tobiae famulo tuo comitem dedisti in via : concede nobis famulis tuis ; ut ejusdem semper protegamur custodia, & muniamur auxilio. Per Dominum.

Lectio Libri Tobiae.

IN diebus illis, dixit Angelus Raphael ad Tobiam : etenim sacramentum regis abscondere bonum est : Opera autem Dei revelare, & confiteri, honorificum est. Bona est ergo oratio cum jejuniis & elemosyna magis quam thesauros auri recondere : Quoniam elemosyna a morte liberat, & ipsa est, quae purgat peccata, & facit invenire misericordiam, &

& vitam æternam. Qui autem faciunt peccatum & iniquitatem, hostes sunt animæ suæ. Manifesto ergo vobis veritatem, & non abscondam a vobis occultum sermonem. Quando orabas cum lacrymis, & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos, ego obtuli orationem tuam Domino. Et quia acceptus eras Deo, necesse fuit ut tentatio probaret te. Et nunc misit me Dominus ut curarem te, & Saram uxorem filii tui a dæmonio liberarem. Ego enim sum Raphael Angelus unus ex septem, qui adstamus ante Dominum.

Graduale. Tractus, & pro tempore Paschali, de Missa votiva de Angelis, ut supra.

Sequentia Sancti Evangelii secundum Joannem.

IN illo tempore, erat dies festus Judæorum, & ascendit Jesus Ierosolymam. Est autem Ierosolymis probatica piscina quæ cognominatur Hebraice Bethesda, quinque porticus habens. In his jacebat multitudo magna languentium, cæcorum, claudorum, aridorum, expectantium aquæ motum. Angelus autem Domini descendeat secundum tempus
in

in piscinam : & movebatur aqua. Et qui prior descendisset in piscinam post motionem aquæ, sanus fiebat a quocunque detinebatur infirmitate. *Dicitur Credo.*

Offertorium, & reliqua Missa, de eadem votiva de Angelis.

DIE XVIII. APRILIS.

Translatio S. Elisabeth Vid. 3. Ordinis.

Missa, ut in ejus die natali, 19 Novem. Sine Credo.

DIE XX. APRILIS.

B. Jacobi à Bithetō Conf. Ord. Min. Missa Justus. De Com. Conf. non Pont. 2. loco. Sine Credo.

DIE XXI. APRILIS.

S. Anselmi Epif. & Conf. Doctoris. Missa. In medio Ecclesiæ. De Cam. Doct. etiam Oratio. Dicitur Credo.

DIE XXIV. APRILIS.

S. Fidelis a Sigmaringa Mart. Ord. min. Cap.

Missa. Protexisti. De Com. 1 Mart. temp. Paschali. Sine Credo.

O R A T I O.

Deus, qui beatum Fidelem seraphico spiritus ardore succensum, in veræ fidei propagatione Martyrii palma, & gloriosis miraculis decorare dignatus es : ejus quæsumus meritis & intercessione,
ita

ita nos per gratiam tuam in fide & charitate confirma, ut in servitio tuo fideles usque ad mortem inveniri mereamur. Per Dominum.

DIE XXVII. APRILIS.

*Translatio S. Paschalis Baylon Conf. Ord.
Min.*

*Missa ut in ejus die Natali, 17. Maii.
Sine Credo.*

O R A T I O.

DEus, qui beatum Paschalem, inter cætera gratiæ tuæ dona, singulari erga sacratissimi Corporis & Sanguinis tui Mysteria dilectione decorasti, tribue quaesumus, ut qui ejus Translationis memoriam piis affectibus celebramus, ipsius apud te patrociniis adjuvemur. Per Dominum.

DIE XXVIII. APRILIS.

*Translatio S. Petri de Alcantara Conf.
Ord. Min.*

*Missa, ut in ejus die natali 19 Octobr.
Sine Credo. Oratio ut ibi.*

DIE XXX. APRILIS.

Octava S. Georgii Martyris.

Missa ut in ejus Feste Die 23. Aprilis.

E

DOMI.

DOMINICA III. POST PASCHA.

*Missæ Patrocinii S. Joseph.**Introitus.*

Adjutor, & Protector noster est Dominus: In eo lætabitur cor nostrum, & in nomine sancto ejus speravimus. Alleluja, alleluja. *Psalm.* Qui Regis Israël, intende: Qui deducis velut ovem Joseph. *V.* Gloria Patri.

O R A T I O.

DEUS, qui ineffabili providentiâ Beatum Joseph Sanctissimæ Genitricis tuæ Sponsum eligere dignatus es: Præsta, quæsumus; ut quem Protectorem veneramus in Terris, intercessorem habere mereamur in Cœlis. qui vivis & regnas, &c.

Lectio libri Genesis, Cap. 49.

Filius accrescens Joseph, filius accrescens, & decorus aspectu: filiæ discurrerunt super murum. Sed exasperaverunt eum, & jurgati sunt, invideruntque illi habentes jacula. Sedit in forti arcus ejus, & dissoluta sunt vincula brachiorum, & manuum illius per manus potentis Jacob: inde Pastor egressus est, lapis Israël. Deus Patris tui erit Adjutor tuus

tuus, & Omnipotens benedicet tibi benedictionibus Cœli desuper, benedictionibus abyssi jacentis deorsum, benedictionibus uberum, & vulvæ. Benedictiones patris tui confortatæ sunt benedictionibus patrum ejus, donec veniret desiderium Collium æternorum. Fiant in capite Joseph, & in vertice Nazaræi inter fratres suos.

Alleluja, Alleluja. *V.* De quâcumque tribulatione clamaverint ad me, exaudiam eos: Et ero Protector eorum semper. Alleluja. *V.* Fac nos innocuam, Joseph, decurrere vitam; sitque tuo semper tuta Patrocinio. Alleluja.

*Sequentia sancti Evangelii secundum
Eucam. Cap. 3.*

IN illo tempore: Factum est autem cum baptizaretur omnis populus, & Jesu baptizato, & orante, apertum est Cœlum, & descendit Spiritus Sanctus corporali specie sicut Columba in ipsum; & vox de Cœlo facta est: Tu es Filius meus dilectus, in te complacui mihi. Et ipse Jesus erat incipiens quasi annorum trigintâ, ut putabatur, Filius Joseph. *Dicitur Credo.*

Offertorium. Laudâ Jerusalem Dominum; quoniam confortavit seras portarum tuarum, benedixit filiis tuis in te. Alleluja, Alleluja.

Secreta.

SANCTISSIMÆ Genitricis tuæ Sponsi Patrocinio suffulti rogamus Domine clementiam tuam ; ut corda nostra facias terrena cuncta despiciere, ac te verum Deum, perfectâ charitate diligere. Qui vivis &c.

Communio.

JACOB autem genuit Joseph Virum Mariæ : De quâ natus est Jesus qui vocatur Christus. Alleluja, alleluja.

Postcommunio.

DIVINI muneris fonte refecti, quæsumus Domine Deus noster : Ut sicut nos facis Beati Joseph protectione gaudere ; ita ejus meritis, & intercessionem cœlestis gloriæ facias esse participes. Per Dominum.

FESTA MARI.

Feria Secunda Rogationum.

Translatio S. Didaci Conf. Ord. Min.

Missa ut in ejus die natali die 12.

Novembris. Sine Credo. Oratio ut ibi.

DIE IV. MARI.

S. Monicæ Viduæ.

*Missa, ut hoc die in Missali Romano,
Sine Credo.*

ORA-

ORATIO.

DEus moerentium consolator, & in te sperantium salus, qui Beatæ Monicæ piæ lacrymas in conversione filii sui Augustini misericorditer suscepisti: da nobis utriusque interventu; peccata nostra deplorare, & gratiæ tuæ indulgentiam invenire. Per Dominum.

DIE V. MAII.

S. Pii quinti Papæ Confessoris.

*Missa. Statuit. De Com. Episc. & Conf.
I. loco. Sine Credo.*

ORATIO.

DEus, qui ad conterendos Ecclesiæ tuæ hostes, & ad divinum cultum reparandum, beatum Pium quintum Pontificem Maximum eligere dignatus es: fac nos ipsius defendi præfidiis; & ita tuis inhærere obsequiis, ut omnium hostium superatis insidiis, perpetua pace lætemur. Per Dominum.

DIE X. MAII.

S. Antonini Episc. & Confessoris.

*Missa. Statuit De Com. Episc. & Conf.
I. loco. Sine Credo.*

O R A T I O.

SAncti Antonini Domine Confessoris tui, atque Pontificis meritis adjuvemur: ut sicut te in illo mirabilem prædicamus; ita in nos misericordem fuisse gloriemur. Per Dominum.

DIE XI. MAII.

S. Catharinæ Senensis Virginis.

Missa. Dilexisti. De Com. Virg. I. loco. Sine Credo.

O R A T I O.

DA quæsumus omnipotens Deus, ut qui beatæ Catharinæ Virginis tuæ natalitia colimus, & annua solemnitatem lætemur, & tantæ Virtutis proficiamus exemplo. Per Dominum.

Secreta.

Ascendant ad te, Domine, quas in Beatæ Catharinæ solemnitatem offerimus preces, & hostia salutaris virgineo fragans odore. Per Dominum.

Postcommunio.

Æternitatem nobis Domine conferat, qua pasti sumus, mensa cœlestis; quæ Beatæ Catharinæ Virginis vitam etiam aluit temporalem. Per Dominum.

Festa Maii.

DIE XIII. MAII.

*S. Petri Regalado Confessoris Ord. Min.
Missa. Os Iusti. De Com. Conf. non
Pont. 1. loco. Dicitur Credo. Per Octa-
uam.*

O R A T I O.

DEus, qui dilectum famulum tuum
Petrum, carne mortificatum, ad de-
licias gloriæ tuæ assumere dignatus es :
concede propitius ; ut ad delectationes
quæ in dextera tua sunt usque in finem,
meritis ejus & intercessione pervenire
valeamus. Per Dominum.

DIE XVI. MAII.

*S. Ubaldi Episcopi & Confessoris.
Missa. Statuit. De Com. Pont. & Conf.
1. loco. Sine Credo.*

O R A T I O.

Auxilium tuum nobis, Domine, quæ-
sumus placatus impende : & inter-
cessione Beati Ubaldi Confessoris tui at-
que Pontificis, contra omnes Diaboli
Nequitias dexteram super nos tuæ propi-
tiationis extende. Per Dominum.

Item **DIE XVI. MAII.**

*S. Joannis Nepomuceni Mart. Ubi celebr.
Missa. Lætabitur Iustus. De Com.
Martyris non Pont. 2. loco. etiam Evan-
gelium nihil est opertum. Sine Credo.*

O R A

O R A T I O.

DEus, qui ob invictum beati Joannis sacramentale silentium novâ Ecclesiam tuam Martyrii coronâ decorasti : Da nobis ejus intercessione & exemplo linguam caute custodire ; ac omnia potius mala, quam animæ detrimentum, in hoc sæculo tolerare. Per Dominum.

Secreta.

PER hæc tua, Domine, sacra Mysteria illo nos charitatis igne accendamus ; quo inclytus Martyr Joannes eadem peragendo flagrabat. Per Dominum.

Postcommunio.

Spiritum, Domine, fortitudinis hæc nobis tribuat mensa cœlestis : quæ beati Martyris tui Joannis pro sacramenti honore tentatam constantiam, jugiter aluit ad victoriam. Per Dominum.

Si celebretur tempore Paschali. Missa.
Protexisti *Evangelium & Orationes, ut supra.*

DIE XVII. MAII.

S. Paschalis Baylon. Conf. Ord. Min.

Introitus.

IN omni opere dedit confessionem sancto, & excelso in verbo gloriæ : de omni corde suo laudavit Dominum, & dilexit Deum, qui fecit illum. Alleluja.
Alleluja.

Alleluja. *Psal.* Benedic anima mea Domino : & omnia quæ intra me sunt, nomini sancto ejus. Gloria Patri.

O R A T I O.

DEus, qui beatum Paschalem Confessorem tuum mirifica erga Corporis & Sanguinis tui sacra mysteria dilectione decorasti : concede propitius ; ut quam ille ex hoc divino convivio Spiritus percepit pinguedinem, eandem & nos percipere mereamur. Qui vivis & regnas. &c.

Epist. Fratres, videte vocationem, ut in die S. Didaci 12 Nov. finitur per hæc verba, Qui gloriatur in Domino gloriatur.

Tempore Paschali. Alleluja, Alleluja. Justus germinabit sicut liliū, & florebit in æternum ante Dominum. Alleluja. Amavit eum Dominus, & ornavit eum ; stolam gloriæ induit eum ; & ad portas Paradisi coronavit eum. Alleluja.

Extra temp. Pasch. Graduale. Domine prævenisti. *Ut in Com. Abbatum. Post Septuag. Tract.* Beatus vir. *Ibidem. Evang.* Confiteor tibi Pater. *Ut in die S. P. N. Francisci 4. Oct. Dicitur Credo. per totam Octavam.*

Offertorium. Veritas mea, & misericordia mea cum ipso, & in nomine meo exaltabitur cornu ejus. Alleluja.

Secreta.

Secreta.

Accepta tibi sit, Domine, hæc hostia placationis, & laudis : & præsta, ut qui tuum jugiter imploramus auxilium, beati Paschalis intercessione, quod fideliter petimus, efficaciter consequamur. Per Dominum

Communio. Tollite jugum meum super vos, & discite à me, quia mitis sum, & humilis corde, & invenientis requiem animabus vestris. Alleluja:

Postcommunio.

Corporis tui sacri, & pretiosi Sanguinis repleti libamine, quæsumus Domine Deus noster : ut intercedente beato Paschale Confessore tuo ; coelestis beatitudinis tribuas nos esse consortes. Qui vivis & regnas. &c.

DIE XVIII. MAII.

Translatio S. Bernardini Conf. Ord. Min.

Missa, ut infra in ejus die Natali 20 Maii. Dicitur Credo propter Octavam.

DIE XIX. MAII.

S. Ivonis Confessoris 3. Ordinis.

Missa. Justus ut Palma. De Com. Conf. non Pont. 2. loco. Evang. Sint lumbi vestri præcincti. De Com. 1. loco. Dicitur Credo: propter Octavam.

O R A-

O R A T I O.

DEus, qui beatum Ivonem Confessorem tuum piis operibus, signis & virtutibus in Ecclesia tua clarere fecisti: præsta quæsumus; ut ejus meritis & precibus tua beneficia capiamus. Per Dominum.

DIE XX. MAII.

S. Bernardini Conf. Ord. Min.

Introitus.

OS justi meditabitur sapientiam, & lingua ejus loquetur judicium: lex Dei ejus in corde ipsius. *Psal.* Exultate justi in Domino: rectos decet collaudatio. Gloria Patri.

O R A T I O.

Domine JESU, qui beato Bernardino Confessori tuo eximium Sancti nominis tui amorem tribuisti: ejus, quæsumus, meritis & intercessione, Spiritum nobis tuæ dilectionis benignus infunde. Qui vivis & regnas, in Unitate ejusdem.

Epistola de Com. Abbatum.

Graduale. Os Justi meditabitur sapientiam, & lingua ejus loquetur judicium, lex Dei ejus in corde ipsius, & non supplantabuntur gressus ejus. Alleluja. Alleluja. Justus germinabit sicut lilium:
&

& florebit in æternum ante Dominum.
Alleluja.

Pro Tempore Paschali, Alleluja, Alleluja. Justus germinabit sicut lilium, & florebit in æternum ante Dominum. Alleluja. Beatus vir qui suffert tentationem, quoniam cum probatus fuerit, accipiet coronam vitæ. Alleluja.

Evang. De Com. Abbatum. Dicitur Credo per Octavam.

Offertorium. Secreta, Communio & Postcommunio. De Com. Conf. non Pont. 2. loco.

DIE XXI. MAII.

S. Felicis à Cantalicio Conf. Ord. Min. Capucinatorum.

Missæ. Justus ut Palma. De Com. Conf. non Pont. 2. loco. pro Com. S. Bernardi Secreta, & Postcommunio. De Com. 1. loco.

O R A T I O.

FAC nos, Domine Jesu, in Simplicitate & Innocentia cordis nostri ambulare, quarum amore de sinu Matris inter beati Felicis Confessoris tui brachia descendisti. Qui vivis & regnas &c.

Evang.

Evangelium.

*Sequentia Sancti Evangelii secundum
Matthæum. cap. II. d.*

IN illo tempore respondens Iesus dixit :
Confiteor tibi Pater Domine cœli &
terræ, quia abscondisti hæc a sapientibus
& prudentibus, & revelasti ea parvulis.
Ita Pater : quoniam sic fuit placitum ante
te. Omnia mihi tradita sunt a Patre meo.
Et nemo novit Filium nisi Pater : neque
Patrem quis novit nisi Filius, & cui vo-
luerit Filius revelare. Venite ad me
omnes qui laboratis, & onerati estis ; &
ego reficiam vos. Tollite jugum meum
super vos, & discite a me quia mitis sum &
humilis corde : Et inveniētis requiem
animabus vestris. Jugum enim meum
suave est, & onus meum leve. Credo.

DIE XXII. MAII.

S. Petri Cœlestini Papæ & Confessoris.

*Missa. Statuit. De Com. Conf.
Pont. I. loco. Dicitur Credo propter
Octavam.*

O R A T I O.

DEus, qui beatum Petrum Cœlesti-
num ad summi Pontificatus apicem
sublimasti, quique illum humilitati post-
ponere docuisti : concede propitius ; ut
ejus exemplo cuncta mundi despicere, &
ad promissa humilibus præmia pervenire
feliciter mereamur. Per Dominum.

F

DIE

DIE XXIII. MAII.

*S. Venantii Martyris.**Missa. Protexisti. De Com. Mart.
temp. Paschali. Dicitur Credo propter
Octavam.*

O R A T I O.

DEus, qui hunc diem beati Venantii
Martyris tui triumpho consecrasti:
exaudi preces populi tui, & præsta; ut
qui ejus merita veneramur, fidei con-
stantiam imitemur. Per Dominum.

Secreta.

HAnc oblationem Omnipotens Deus,
beati Venantii merita tibi reddant
acceptam; ut ipsius subsidiis adjuti,
gloriæ ejus consortes efficiamur. Per Do-
minum.

Postcommunio.

Sumpsimus, Domine æternæ vitæ sa-
cramenta, te humiliter deprecantes:
ut beato Venantio martyre tuo pro nobis
deprecante, veniam nobis concilient &
gratiam. Per Dominum.

*Extra Tempus Paschale. Missa. In
Virtute tua. De Com. unius Martyris
non Pont. l. loco. Evang. Nolite arbi-
trari &c.*

DIE XXV. MAII.

*Translatio S. P. Francisci Conf. Fund.
Ord. Min.**Introitus.*

Introitus.

Mihi autem absit gloriari, nisi in cruce Domini nostri Jesu Christi : per quem mihi mundus crucifixus est, & ego Mundo. *Psal.* Voce mea ad Dominum clamavi : Voce mea ad Dominum deprecatus sum. Gloria Patri.

*Reliqua ut in ejus die Natali 4. Octobr.
Dicitur Credo, propter Octavam.*

DIE XXVI. MAII.

*S. Augustini Episc. Conf. & Ang. Apost.
Missa. Sacerdotes. De Com. Pont. &
Conf. 2. loco. Evang. Designavit Dominus.
Ut in Festo S. Marci Evang. 25.
Aprilis. Dicitur Credo per Octavam.*

O R A T I O.

DEus qui beatum Augustinum Pontificem, primum Doctorem populo concessisti Anglorum : tribue nobis quæsumus ; ut cujus merita prædicamus in terris, ejus suffragia sentiamus in coelis. Per Dominum.

Secreta.

GRata tibi sint, quæsumus Domine, oblata munera, quibus beati Augustini Confessoris tui atque Pontificis merita veneramur, & nostræ pariter recolimus insignia libertatis & vitæ. Per Dominum.

Postcommunio.

Sancta tua, quæsumus Domine, quæ pro beati Augustini Confessoris tui atque Pontificis solemnitate libavimus, nos foveant; quibus jugiter fatiemur, & semper desideremus expleri. Per Dominum.

Hæc omnia sumuntur ex Missali Sarisburiensi.

DIE XXVIII. MAII.

S. Philippi Nerii Confessoris.

Introitus.

Charitas Dei diffusa est in cordibus nostris per inhabitantem Spiritum ejus in nobis.

Psalms. Benedic anima mea Domino; & omnia quæ intra me sunt nomini sancto ejus. Gloria Patri.

O R A T I O.

Deus qui beatum Philippum Confessorem tuum sanctorum tuorum gloria sublimasti: concede propitius; ut cujus solemnitate lætamur, ejus virtutum proficiamus exemplo. Per Dominum.

Epistola. Optavi, & datus est. *Ut in Festo S. Thomæ Aquin. die 7 Martii.*

Graduale. Venite filii audite me, timorem Domini docebo vos. Accedite ad eum & illuminamini, & facies vestræ
non

non confundentur. Alleluja, Alleluja.
De excelfo misit ignem in ossibus meis,
& erudivit me. Alleluja.

Pro Tempore Paschali. Alleluja, alleluja.
De excelfo misit ignem in ossibus meis,
& erudivit me. Alleluja. Concaluit cor
meum intra me; & in meditatione mea
exardescet ignis. Alleluja.

Evangelium. Sint lumbi vestri præcincti.
De Comm. Conf. non Pent. 1. loco. Dici-
tur Credo propter Octavam.

Offertorium. Viam mandatorum tuo-
rum cucurri cum dilatasti cor meum.
Alleluja.

Secreta.

Sacrificiis præsentibus quæsumus Do-
mine intende placatus, & præsta;
ut illo nos igne Spiritus sanctus inflam-
met, quo beati Philippi cor mirabiliter
penetravit. Per Dominum, in unitate
ejusdem.

Communio. Cor meum, & caro mea
exultaverunt in Deum vivum. Alleluja.

Postcommunio.

Cœlestibus Domine pasti deliciis,
quæsumus; ut beati Philippi Con-
fessoris tui meritis, & imitatione, semper
eadem per quæ veraciter vivimus, appe-
tamus. Per Dominum.

DIE XXIX. MAII.

*S. Mariæ Magdalænæ de Pazzis Virginis.**Missa. Dilexisti. De Com. Virg. tantum. I. Ioso. Dicitur Credo propter Octavam.*

O R A T I O.

DEus virginitatis amator, qui beatam Mariam Magdalenam virginem tuo amore succensam cœlestibus donis deco-
rasti: da, ut quam festiva celebritate ve-
neramur, puritate & charitate imitemur.
Per Dominum.

DIE XXX. MAII.

*B. Humilianæ de Cerchiis Viduæ. 3. Ord.**Missa. Cognovi. De Com. nec Virg. nec Mart. Dicitur Credo, propter Octavam.*

O R A T I O.

OMnipotens Sempiternus Deus dulcedo
cordium, & Præmium Beatorum,
qui Beatam Humilianam tuo amore suc-
censam suavissimâ contemplationis dulce-
dine replevisti: concede propitiùs; ut
ejus meritis, & imitatione tibi jugiter ad-
hærentes, tuæ celsitudinis speciem cor-
templari perpetuò mereamur. Per Do-
minum.

Secreta.

Suscipe Domine Munera quæ in beatæ
Humilianæ solemnitate deferimus:
Cujus nos confidimus patrociniò liberari.
Per Dominum.

Post.

Postcommunio.

PRæsta quæsumus Domine, intercedente beata Humiliana : Ut quod ore contingimus, pura mente capiamus. Per Dominum.

DIE XXXI. MAII.

B. Joannis de Prado Mart. Ord. Min. Missa. In Virtute tua. De Com. unius Mart. non Pont. 1. loco. Evang. Nolite arbitrari &c. Dicitur Credo propter Qd.

ORATIO.

DEUS, qui contra Mahumeticam pravitatem, beatum Joannem verbi tui præconem eximium effecisti : concede ; ut sicut ipse pro tuæ fidei dilatazione Martyrii palmam meruit obtinere, sic nos ejus intercessione, fidei nostræ præmia consequi mereamur. Per Dominum.

Tempore Paschali Missa. Protexisti.

FESTA JUNII.

DIE I. JUNII.

S. Gregorii VII. Papæ & Conf.

Missa. Statuit. De Com. Conf. Pont. 1. loco. Evang. Vigilate, &c. Dicitur Credo. propter Octav.

ORATIO.

O R A T I O.

DEUS, in te sperantium fortitudo,
qui Beatum Gregorium Confessorem.
tuum atque Pontificem, pro tuenda Ec-
clesiæ libertate virtute constantiæ robo-
rasti : da nobis ejus exemplo & interces-
sione; omnia adversantia fortiter superare.
Per Dominum.

DIE III. JUNII.

*B. Andreæ ab Hyspellô Conf. Ord. Min.
Missa. Justus ut Palma. De Com.
Conf. non Pont. 2. loco. Sine Credo.*

O R A T I O.

Clementissime Deus, qui Beatæ An-
dreæ Confessoris tui, meritis, & in-
tercessione, aëris serenitatem, & pluviam.
poscen:ibus tribuisti congruentem, men-
tes nostras imbre tuæ gratiæ perfunde, ut
sordibus peccatorum absterfis, perpetuâ
vultûs tui hilaritate perfrui mereamur.
Per Dominum.

DIE V. JUNII.

*B. Pacifici a Ceredanô Conf. Ord. Min.
Missa. Os Justi. De Com. Conf. non
Pont. 1. loco. Sine Credo.*

DIE VI. JUNII.

*S. Norberti Epif. Confessoris.
Missa. Statuit. De Com. Pont. & Conf.
1. loco. Sine Credo.*

O R A

O R A T I O.

DEUS, qui beatum Norbertum Confessorem tuum atque Pontificem, verbi tui præconem eximium effecisti, & per eum Ecclesiam tuam nova prole fecundasti: præsta quæsumus; ut ejusdem suffraganibus meritis, quod ore simul & opere docuit, te adjuvante exercere valeamus. Per Dominum.

DIE X. JUNII.

S. Margaritæ Regina Scotorum Viduæ.

Missa. Cognovi. De Com. nec Virg. nec Mart. Sine Credo.

O R A T I O.

DEUS, qui beatam Margaritam Scotorum Reginam eximia in pauperes charitate mirabilem effecisti: da ut ejus intercessione & exemplo, tua in cordibus nostris charitas jugiter augeatur. Per Dominum.

DIE XII. JUNII.

B. Guidonis Conf. Ord. Min.

Missa. Os Justii. De Com. Conf. non Pont. 1. loco. etiam Oratio. Evang. Nolite timere. De Com. 2. loco. Sine Credo.

DIE XIII. JUNII.

S. Antonii de Padua Conf. Ord. Min.

Missa. In medio Ecclesiæ. ut in Festo S. Thomæ de Aquino. 7 Martii.

O R A.

O R A T I O.

ECclesiam tuam, Deus, beati Antonii Confessoris tui solemnitas votiva lætificet : ut spiritualibus semper muniatur auxiliis, & gaudiis perfrui mereatur æternis. Per Dominum.

Epist. ut supra. etiam Graduale addendo post. Alleluja, Alleluja. Antoni compar inclyte, nostri quondam itineris ; tu nobis adhuc miseris, in patria jam prædite, te glorioso comite nos ora frui superis. Alleluja.

Tract. post Sept. Beatus vir. Ut supra. Post Pascha. Alleluja, Alleluja. Antoni compar, &c.

Iustus germinabit sicut liliū : & florebit in æternum ante Dominum. Alleluja.

Evang. Vos estis sal. ut supra. dicitur Credo per Octavam.

Offertorium. Veritas mea & misericordia mea cum ipso ; & in nomine meo exaltabitur cornu ejus.

Secreta.

PRæsens oblatio fiat, Domine, populo tuo salutaris : pro quo dignatus es Patri tuo te viventem hostiam immolare. Qui cum eodem Deo Patre, & Spiritu Sancto vivis.

Com-

Communio. Domine quinque talenta tradidisti mihi, ecce alia quinque super lucratus sum : Euge serve bone & fidelis, quia in pauca fuisti fidelis, supra multa te constituam : intra in gaudium Domini tui.

Postcommunio.

DIvinis, Domine, muneribus satiati, quæsumus : ut beati Antonii Confessoris tui meritis gloriosis, salutaris victimæ desideratum sentiamus effectum. Per Dominum

DIE XV. JUNII.

S. Joannis a. S. Facundo Confessoris.

Missa. Os Justi. De I. Com. Conf. non Pont. Sine Credo.

O R A T I O.

DEus auctor pacis, & amator charitatis, qui beatum Joannem Confessorem tuum mirifica dissidentes componendi gratia decorasti : ejus meritis, & intercessione concede ut in tua charitate firmati, nullis a te tentationibus separeremur. Per Dominum.

DIE XVIII. JUNII.

Translatio S. Elzearii Conf. 3. Ord.

Missa, ut in die Natali ejus 27. Sept. Dicitur Credo, propter Octav.

DIE

DIE XIX. JUNII.

*B. Michaëlinæ Pifauriensis Viduæ. 3.
Ordinis.*

*Missæ. Cognovi. De Com. nec Virg.
nec Mart. Dicitur Credo, propter Oclav.*

O R A T I O.

DEUS, qui Beatam Michaëlinam à terrenis Solutam affectibus ad amorem tuum dispositione mirabili transfu-
listi; tribue quæsumus, ut ejus meritis & imitatione, à noxiis cupiditatibus expediti, quæ tibi sunt placita, liberis mentibus exequamur. Per Dominum.

DIE XXI. JUNII.

S. Julianæ de Falconeriis Virginis.

*Missæ. Dilexisti. De Com. Virg. tant.
1. loco. Sine Credo.*

O R A T I O.

DEUS, qui Beatam Julianam Virginem tuam extremo morbo laborantem pretiosò Filii tui corpore mirabiliter recreare dignatus es; concede quæsumus, ut, ejus intercedentibus meritis, nos quoque eòdem in mortis agòne refecti, ac roborati ad cœlestem Patriam perducamur. Per eundem Dominum, &c.

DIE XXVII. JUNII.

In Festo B. Benvenuti Conf. Ord. Min.

*Missæ. Justus. De Com. Conf. non Pont.
2. loco, etiam Oratio. Sine Credo.*

FESTA JULII.

DIE VIII. JULII.

*S. Elisabeth Viduæ Reginæ Portugalliæ.**Missa. Cognovi Domine. De Com. nec
Virg. nec Mart. Sine Credo.*

O R A T I O.

Clementissime Deus, qui beatam Elisabeth Reginam, inter cæteras egregias dotes bellici furoris sedandi prærogativa decorasti: da nobis ejus intercessione; post mortalis vitæ, quam suppliciter petimus, pacem, ad æterna gaudia pervenire. Per Dominum.

DIE IX. JULII.

*B. B. Nicolai & Sociorum Mart. Gorgomien-
sium Ord. Min.**Missa. Intret in conspectu tuo. De
Com. plur. Mart. 1. loco. Sine Credo.*

O R A T I O.

Deus, qui beatorum Martyrum tuorum, Nicolai & sociorum ejus, gloriosum pro fide tua certamen æternitatis laurea decorasti: concede propitius: ut eorum meritis & imitatione certantes in terris, cum ipsis coronari mereamur in coelis. Per Dominum.

G

DIE

DIE XII. JULII.

S. Joannis Gualberti Abbatjs.

Missæ. Os justi. De Com. Abbatum.
Evang. Audistis quia dictum est : ex Fe-
ria VI. post Cineres, & terminatur ad
verba. Sicut & Pater vester cœlestis per-
fectus est. Sine Credo. Oratio de eodem
Com.

DIE XIV. JULII.

S. Bonaventuræ Epif. Confessoris & Doct.
Ord. Min.

Missæ, ut in Missali Romano, per to-
tum, excepto Offertorio. Inveni David
servum meum, oleo sancto meo unxi
eum : manus enim mea auxiliabitur ei,
& brachium meum confortabit eum.
Dicitur Credo, per Octavam.

O R A T I O.

DEus, qui Ecclesiæ tuæ beatum Bo-
 naventuram Confessorem tuum at-
 que Pontificem, Doctorem mirabilem
 tribuisti : concede propitius ; ut apud te
 hunc pium semper intercessorem habere
 mereatur. Per Dominum.

DIE XV. JULII.

S. Henrici Imperatoris Confessoris.

Missæ. Os Justis. De Com. Conf. non
Pont. i. loco. Dicitur Credo, propter
Octavam.

O R A -

O R A T I O.

DEUS, qui hodierna die beatum Henricum Confessorem tuum è terreni culmine imperii ad regnum æternum transtulisti : te supplices exoramus ; ut sicut illum, gratiæ tuæ ubertate præventum illecebras sæculi superare fecisti ; ita nos facias ejus imitatione, mundi hujus blandimenta vitare , & ad te puris mentibus pervenire. Per Dominum.

DIE XVI. JULII.

Missa. In Commemoratione Solemni beatæ Virginis Mariæ de Monte Carmelo.

Introitus.

GAudeamus omnes in Domino, diem festum celebrantes sub honore beatæ Mariæ Virginis, de cujus solemnitate gaudent Angeli, & collaudant Filium Dei. *Psal.* Eructavit cor meum verbum bonum : dico ego opera mea regi.
V. Gloria Patri.

O R A T I O.

DEUS, qui beatissimæ semper Virginis, & Genitricis tuæ Mariæ singulari titulo Carmeli Ordinem decorasti : concede propitius ; ut cujus hodie Commemorationem solemni celebramus officio, ejus muniti præfidiis, ad gaudia sempiterna pervenire mereamur. Qui vivis & regnas.

Lectio libri Sapientia.

EGO quasi vitis fructificavi suavitatem odoris, & flores mei fructus honoris, & honestatis. Ego mater pulchræ dilectionis, & timoris, & agnitionis, & sanctæ spei. In me gratia omnis viæ & veritatis, in me omnis spes vitæ & virtutis. Transite ad me omnes qui concupiscitis me, & a generationibus meis implemini. Spiritus enim meus super mel dulcis, & hereditas mea super mel & favum. Memoria mea in generationes sæculorum. Qui edunt me, adhuc esurient; & qui bibunt me, adhuc sitient. Qui audit me, non confundetur, & qui operantur in me, non peccabunt. Qui elucidant me, vitam æternam habebunt.

Graduale. Benedicta & venerabilis es virgo Maria, quæ sine tactu pudoris inventa es Mater Salvatoris. *V.* Virgo Dei Genitrix, quem totus non capit Orbis, in tua se clausit viscera factus homo. Alleluja, Alleluja. *V.* Per te, Dei Genitrix, nobis est vita perdita data: quæ de cœlo suscepisti prolem: & mundo genuisti Salvatorem. Alleluja.

*Sequentia sancti Evangelii secundum
Lucam.*

IN illo tempore: Loquente Jesu ad turbas extollens vocem quædam mulier

lier de turba, dixit illi : Beatus venter, qui te portavit, & ubera, que suxisti. At illi dixit : Quinimmo beati qui audiunt verbum Dei, & custodiunt illud. Credo.

Offertorium. Recordare Virgo Mater, in conspectu Dei, ut loquaris pro nobis bona, & avertas indignationem suam a nobis.

Secreta.

SANctifica, Domine quæsumus, oblata libamina : & beatæ Dei genitricis Mariæ saluberrima intercessione, nobis salutaria fore concede. Per eundem Dominum nostrum.

In Pras. Et te in Commemoratione beatæ Mariæ.

Communio. Regina mundi dignissima Maria ; virgo perpetua : intercede pro nostra pace & salute ; quæ genuisti Christum Dominum Salvatorem omnium.

Postcommunio.

ADjuvet nos, quæsumus Domine, gloriosæ tuæ genitricis, semperque Virginis Mariæ intercessio veneranda ; ut quos perpetuis cumulavit beneficiis, a cunctis periculis absolutos, tua faciat pietate concordet. Qui vivis & regnas.

DIE XVII. JULII.

*S. Alexii Confessoris.**Missa. Os Justi &c. ut in Missali Rom.**Dicitur Credo, propter Octavam.*

O R A T I O.

DEUS, qui Beatum Alexium Confessorem tuum in mundi contemptu mirabilem effecisti; præsta quæsumus, ut intercessionis ejus auxilio, Fideles tui terrena despiciant & ad coelestia semper aspirent. Per Dominum.

DIE XVIII. JULII.

*B. Simonis à Lipnica Conf. Ord. Min.**Missa. Justus ut Palma. De Com. Conf.**non Pont. 2. loco. Dicitur Credo, propter Octavam.*

O R A T I O.

OMnipotens sempiterne Deus, qui beatum Simonem Confessorem tuum Evangelicæ Prædicationis gratia sublimasti: Concede propitius; ut ejus salutaris Doctrinæ pabulo nutriti, quæ tibi sunt placita exequentes per semitas justitiæ ad coelestem Patriam feliciter pervenire valeamus. Per Dominum.

DIE XIX. JULII.

*B. Joannis de Duklâ Conf. Ord. Min.**Missa. Os just. De Com. Conf. non**Pont. 1. loco. Evang. Nolite timere. Dicitur Credo, propter Octav.*

O R A -

O R A T I O.

DEUS, qui Beatum Joannem Confessorem tuum eximie humilitatis, & patientie donis decorasti : Concede propitius, ut ejusdem imitantes exempla, consequamur & præmia. Per Dominum.

DIE XX. JULII.

S. Margaritæ Virg. & Martyris.

Missa. Me expectaverunt. De Com. Virg. & Mart. 2. loco. etiam Oratio, Dicitur Credo, propter Octav.

DIE XXIV. JULII.

S. Francisci Solani Conf. Ord. Minorum.

Missa. Os Justi. De Com. Conf. non Pont. 1. loco.

O R A T I O.

DEUS, qui plurimas Americæ Gentes per Beatum Franciscum ad Sinum Ecclesiæ perduxisti, ejus meritis, & precibus indignationem tuam à peccatis nostris averte ; & in Gentes, quæ te non cognoverunt, timorem nominis tui benignus immitte. Per Dominum.

Evangelium. Euntes in mundum universum &c. Ut in Festo SS. Cyriaci &c. 8. Augusti. Dicitur Credo, propter Oct.

DIE XXVII. JULII.

B. Cunegundis Virg. Ord. S. Claræ.

Missa. Dilexisti. De Com. Virg. 1. loco. Dicitur Credo, propter Octav.

O R A -

O R A T I O.

DEUS, qui beatam Cunegundem dulcedinis tuæ benedictionibus prævenisti, ac virginem etiam in conjugio conservasti; præsta quæsumus; ut ipsa intercedente, per vitæ puritatem tibi jugiter adhærere, & per ejus vestigia gradientes ad te pervenire feliciter mereamur. Per Dominum.

DIE XXX. JULII.

*S. Vincentii à Paulo Conf.**Missæ. Justus ut Palma. Evangel.**Designavit. De Com. Evangelistarum.**Dicitur Credo, propter Octav.*

O R A T I O.

DEUS, qui ad Evangelizandum pauperibus, & Ecclesiastici Ordinis decorem promovendum, Beatum Vincentium Apostolica Virtute roborasti: præsta quæsumus, ut cujus pia merita veneramur, virtutum quoque instruamur exemplis. Per Dominum, &c.

FESTA AUGUSTI.

DIE II. AUGUSTI.

*Dedicatio Ecclesiæ S. Mariæ Angelorum
apud Assisum.**Missæ. De Com. Dedicacionis Ecclesiæ.
Dicitur Credo.*

DIE

DIE IV. AUGUSTI.

S. P. Dominici Confessoris.

*Missæ. Quæ habetur in Missali Romano.
Dicitur Credo, per Octav.*

DIE VII. AUGUSTI.

S. Cajetani Confessoris.

*Missæ. Os Justi. De Com. Conf. non
Pont. I. loco. Evang. Nemo potest duobus
Dominis servire. Ut in Dominica
XIV. post Pentecosten. Dicitur Credo,
propter Octav.*

O R A T I O.

DEus, qui beato Cajetano Confessori
tuo Apostolicam vivendi formam
imitari tribuisti : da nobis ejus intercessi-
one, & exemplo ; in te semper confidere,
& sola cœlestia desiderare. Per Do-
minum.

DIE IX. AUGUSTI.

S. Ignatii Confessoris.

Introitus. In nomine Jesu omne gen-
us flectatur, cœlestium, terrestrium, & in-
feriorum : & omnis lingua confiteatur
quia Dominus Jesus Christus in Gloria
est Dei Patris. *Psal.* Gloriabuntur in
te omnes, qui diligunt nomen tuum :
quoniam tu benedices justo. Gloria Pa-
tri.

O R A -

O R A T I O.

DEus, qui ad maiorem tui nominis
Gloriam propagandam, novo per
beatum Ignatium subsidio militantem
Ecclesiam roborasti: concede; ut ejus
auxilio & imitatione certantes in terris,
coronari cum ipso mereamur in coelis.
Qui vivis & regnas.

Epistola. Charissime, Memor esto.
De Com. Mart. non Pont. 2. loco.

Evangelium. Designavit Dominus. *Uz*
in Festo S. Marci Evang. die 25 Aprilis.
Dicitur Credo, propter Octavam.

Offertorium. Veritas mea, & miseri-
cordia mea cum ipso: & in nomine meo
exaltabitur cornu ejus.

Secreta.

ADsint, Domine Deus, oblationibus
nostris sancti Ignatii benigna suf-
fragia: ut sacrosancta mysteria, in qui-
bus omnis sanctitatis fontem constituisti,
nos quoque in veritate sanctificent. Per
Dominum.

Communio. Ignem veni mittere in ter-
ram, & quid volo nisi ut accendatur.

Postcommunio.

LAudis hostia, Domine, quam pro
sancto Ignatio gratias agentes obtu-
limus; ad perpetuam nos Majestatis tuæ
laudationem, ejus intercessione perducatur.
Per Dominum.

DIE XII. AUGUSTI.

S. Clara Virg. 2. Ord. Primiceria.

*Missâ. Vultum tuum. De Com. Virg.
2. loco. exceptis his quæ sequuntur.*

O R A T I O.

FAmulos tuos, quæsumus Domine,
beatæ Virginis tuæ Claræ votiva na-
talitia recensentes, cœlestium gaudiorum
sua facias interventione participes, & tui
Unigeniti cohæredes. Qui tecum vivit &
regnat.

*Evang. de 10. Virginibus. Dicitur
Credo. propter Octavam.*

Secreta.

OBlata tibi, quæsumus Domine, dona
Sanctifica; quæ Majestati tuæ ac-
cepta faciat beatæ Virginis tuæ Claræ
intercessio veneranda. Per Dominum.

Communio. Quinque prudentes virgi-
nes acceperunt oleum in vasis suis cum
lampadibus: media autem nocte clamor
factus est: ecce sponsus venit, exite ob-
viam Christo Domino.

Postcommunio.

Protegant, quæsumus Domine, ple-
bem tuam, gloriosæ Virginis tuæ
Claræ continuata præsidia, & sumpta
pro illius gloria Corporis tui sacri, &
pretiosi Sanguinis Sacramenta: Qui vi-
vis & regnas.

DIE

DIE XIII. AUGUSTI.

B. Petri à Moliano Confessoris, Ord. Min.

Missa. Os Justi. De Com. Conf. non Pont. 1. loco. Dicitur Credo. propter Oet.

DIE XIV. AUGUSTI.

In Festo Sancti Camilli de Lellis Conf. Clericorum Regularium Ministrantium Infirmis Fundatoris.

Missa. Ex Decreto SS. D. N. Clementis XIII. die 15 Decembris 1762.

Introitus.

MAjorem hac dilectionem nemo habet, ut animam suam ponat quis pro amicis suis. *Psalm.* Beatus qui intelligit super egenum & pauperem: in die mala liberabit eum Dominus. *Vers.* Gloria Patri.

ORATIO.

DEUS, qui sanctum Camillum ad animarum in extremo agone luctantium subsidium singulari charitatis prærogativa decorasti: ejus, quæsumus, meritis spiritum nobis tuæ dilectionis infunde, ut in hora exitus nostri hostem vincere, & ad cœlestem mereamur coronam pervenire. Per Dominum nostrum. In unitate ejusdem spiritus, &c.

Lectio Epistolæ beati Joannis Apost. i. c. iii.

Charissimi, nolite mirari, si odit vos mundus. Nos scimus, quoniam translati

translati sumus de morte ad vitam, quoniam diligimus fratres. Qui non diligit, manet in morte: omnis qui odit fratrem suum, homicida est. Et scitis quoniam omnis homicida non habet vitam æternam in semetipso manentem. In hoc cognovimus charitatem Dei, quoniam ille animam suam pro nobis posuit: & nos debemus pro fratribus animas ponere. Qui habuerit substantiam hujus mundi, & viderit fratrem suum necessitatem habere, & clauferit viscera sua ab eo: quomodo charitas Dei manet in eo? Filioli mei, non diligamus verbo, neque lingua, sed opere & veritate.

Graduale. Os iusti meditabitur sapientiam, & lingua ejus loquetur iudicium. *Vers.* Lex Dei ejus in corde ipsius: & non supplantabuntur gressus ejus, Alleluja, Alleluja. *Vers.* Beatus vir, qui timet Dominum, in mandatis ejus cupit nimis, Alleluja.

Post Septuagesimam omissis Alleluja & Vers.
Sequenti Dicitur.

Tractus. Beatus vir, qui timet Dominum: In mandatis ejus cupit nimis. *Vers.* Potens in terra erit semen ejus: generatio rectorum benedicetur. *Vers.* Gloria & divitiæ in domo ejus, & justitia ejus manet in sæculum sæculi.

Tempore Paschali omittitur Graduale, & ejus loco dicitur.

Alleluja, alleluja. *Vers.* Beatus vir, qui timet Dominum : in mandatis ejus cupit nimis, Alleluja. *Vers.* Justus germinabit sicut lilium : & florebit in æternum ante Dominum, Alleluja.

Sequentia Sancti Evangelii secundum

Joannem c. 15. v. 12.

IN illo tempore : dixit Jesus discipulis suis hoc est præceptum meum, ut diligatis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici mei estis, si feceritis quæ ego præcipio vobis. Jam non dicam vos servos : quia servus nescit quid faciat Dominus ejus. Vos autem dixi amicos ; quia omnia quæcumque audivi a patre meo, nota feci vobis. Non vos me elegistis ; sed ego elegi vos, & posui vos ut eatis, & fructum afferatis ; & fructus vester maneat ; ut quodcumque petieritis Patrem in nomine meo, det vobis.

Offertorium. In virtute tua Domine lætabitur justus, & super salutare tuum exultabit vehementer : desiderium animæ ejus tribuisti ei.

Secreta.

Hostia immaculata, qua illud Domini nostri Jesu Christi immensæ charitatis

tatis opus renovamus, sancto Camillo intercedente, sit contra omnes corporis, & animæ infirmitates salutare remedium, & in extremo agone solatium, & tutela. Per eundem Dominum nostrum.

Communio.

Infirmus fui, & visitasti me: amen, amen dico vobis, quamdiu fecistis uni ex his fratribus meis minimis, mihi fecistis.

Postcommunio.

PER hæc cœlestia alimenta, quæ sancti Camilli confessoris tui solemnia celebrantes, pia devotione suscepimus, da quæsumus Domine, ut in hora mortis nostræ sacramentis refecti, & culpis omnibus expiati, in sinum misericordiæ tuæ læti suscipi mereantur. Qui vivis & regnas.

DOMINICA INFRA OCTAVAM
ASSUMPTIONIS S. M. V.

*S. Joachim Conf. Patris ejusdem B. V.
Mariæ.*

Introitus. Dispersit, dedit pauperibus, justitia ejus manet in sæculum sæculi: cornu ejus exaltabitur in gloria. *Psal.* Beatus Vir qui timet Dominum: In mandatis ejus cupit nimis. Gloria Patri.

O R A T I O.

DEUS, qui præ omnibus sanctis tuis
 Beatum Joachim genitricis filii tui
 patrem esse voluisti : concede quæsumus ;
 ut cujus festa veneramur , ejus quoque
 perpetuo patrocinia sentiamus. Per eun-
 dem Dominum.

Epist. de Comm. Conf. non Pont. 1. loco.

Beatus Vir , qui inventus est sine ma-
 cula.

Graduale. Dispersit, dedit pauperibus :
 Justitia ejus manet in sæculum sæculi.

Vers. Potens in terra erit semen ejus :
 Generatio rectorum benedicetur.

Alleluja, Alleluja. *Vers.* O Joachim,
 sancte conjux Annæ , Pater almæ Vir-
 ginis, hic famulis confer salutis opem.
 Alleluja.

*Post Septuagesimam omisso Alleluja , &
 Versu sequenti , dicitur.*

Tractus. Beatus Vir qui timet Domi-
 num : In mandatis ejus cupit nimis.

Vers. Gloria & divitiæ in domo ejus : &
 justitia ejus manet in sæculum sæculi.

Vers. O Joachim , sancte conjux Annæ,
 pater almæ virginis, hic famulis confer
 salutis opem.

Post Pascha. Alleluja, Alleluja. *Vers.*
 Potens in terra erit semen ejus : Gene-
 ratio rectorum benedicetur. Alleluja.

Vers. Justus germinabit sicut lilium : &
 florebit

florebit in æternum ante Dominum. Al-
leluja. *Evangelium.* Liber generationis
Jesu Christi : ut in festo Nativitatis B.
Mariæ Virg. Die 8 Sept. Dicitur Credo.
In Dominica. Offertorium. Gloria & ho-
nore coronâsti eum : & constituisti eum
super opera manuum tuarum, Domine.

Secreta.

Suscipe, clementissime Deus, sacrifi-
cium in honorem sancti Patriarchæ
Joachim Patris Mariæ Virginis, Majestati
tuæ oblatum : ut ipso cum conjuge sua
& beatissima prole intercedente ; perfec-
tam consequi mereamur remissionem
peccatorum, & gloriam sempiternam.
Per Dominum.

Communio. Fidelis servus & prudens,
quem constituit Dominus super famili-
am suam ; ut det illis in tempore tritici
mensuram.

Postcommunio.

Quæsumus, Omnipotens Deus : ut
per hæc sacramenta quæ sumpsimus,
intercedentibus meritis & precibus Beati
Joachim patris genitricis dilecti filii tu
Domini nostri Jesu Christi ; tuæ gratiæ
in præsentî, & æternæ gloriæ in futuro
participes esse mereamur. Per eundem
Dominum.

DIE XVI. AUGUSTI.

*S. Rochi Confessoris 3. Ordinis.**Missæ. Os Justi. De Com. Conf. non Pont. 1. loco. Dicitur Credo.*

O R A T I O.

DEUS, qui beato Rocho per Angelum tuum, tabulam eidem afferentem promissisti, ut qui ipsum invocaverit a nullo pestis cruciatu læderetur : præsta quæsumus ; ut qui ejus memoriam agimus, ipsius meritis & precibus a mortifera peste corporis & animæ liberemur. Per Dominum.

DIE XVIII. AUGUSTI.

*B. Claræ De Monte Falcone Virg. 3. Ordinis.**Missæ: Dilexisti. De Com. Virg. 1. loco. Dicitur Credo, propter Octavam.*

DIE XIX. AUGUSTI.

*S. Ludovici Episc. Tolosani Conf. Ord. Minorum.**Missæ. Statuit ei Dominus, ut in Com. Conf. Pont. 1. loco.*

O R A T I O.

DEUS, qui Ecclesiam tuam dispositione mirabili novis semper illustras Sanctorum splendoribus : tribue quæsumus ; ut qui beati Ludovici Confessoris tui

tui atque Pontificis solemnibus gratulamur,
ad ejus consortium feliciter perducamur.
Per Dominum.

Graduale, ut supra. Alleluja, Alleluja.

Rosa vernans charitatis, liliū virginitatis, stella fulgens Ludovicus, vas sanctitatis, ora pro nobis Dominum.
Alleluja.

Post Sept. Tractus. Beatus vir, ut supra, *Tempore Paschali.* Alleluja. Alleluja. Rosa vernans, &c. Alleluja. Tu es sacerdos in æternum secundum ordinem Melchisedech. Alleluja.

Evang. Vigilate. De 2 Com. Dicitur
Credo per Octavam. Offertorium. Inveni David.

Secreta.

Sacrificia, Domine, quæ in honore Sancti Ludovici Confessoris tui atque Pontificis, tuæ offerimus majestati, nobis sint ad salutem efficacia, & tuæ placita pietati. Per Dominum.

Communio. Beatus servus, quem cum venerit Dominus, invenerit vigilantem : Amen dico vobis, super omnia bona sua constituet eum.

Postcommunio.

Immensam clementiam tuam, omnipotens Deus, suppliciter exoramus : ut intercedente beato Ludovico Confessore

fore tuo atque Pontifice, per hæc Sancta quæ sumpsimus, cuncta nobis adversantia, te adjuvante, vincamus. Per Dominum.

DIE XXI. AUGUSTI.

S. Hyacinthi Confessoris.

Missa. Os Iusti. De Com. Conf. non Pont. 1. loco. etiam Oratio. Dicitur Credo propter Octav.

DIE XXIII. AUGUSTI.

S. Philippi Benitii Confessoris.

Missa. Iustus ut Palma. De Com. Conf. non Pont. 2. loco. Dicitur Credo, propter Octavam.

O R A T I O.

DEUS, qui per beatum Philippum Confessorem tuum eximium nobis humilitatis exemplum tribuisti: da famulis tuis prospera mundi ex ejus imitatione despicere, & cœlestia semper inquirere. Per Dominum.

DIE XXV. AUGUSTI.

S. Ludovici Regis Confessoris 3 Ordinis.

Missa. Ut habetur hac die in Missali Romano. Dicitur Credo.

DIE XXX. AUGUSTI.

S. Helenæ Imperatricis Viduæ.

Introitus.

Introitus.

Mihi autem absit gloriari nisi in cruce Domini nostri JESU Christi; per quem mihi mundus crucifixus est, & ego mundo. *Psalm.* Virga tua & baculus tuus: Ipsa me consolata sunt. *Vers.* Gloria Patri.

O R A T I O.

Domine Jesu Christe, qui locum, ubi crux tua latebat, beatæ Helenæ revelasti, ut per eam Ecclesiam tuam hoc pretioso Thesauro ditares: ejus nobis intercessione concede; ut vitalis ligni pretio, æternæ vitæ præmia consequamur. Qui vivis & regnas.

Epist. Mulierem fortem. *De Com. nec Virg. nec Mart.*

Graduale. Vultum tuum deprecabuntur omnes divites plebis, filiæ Regum in honore tuo. *V.* Adducentur Regi Virgines post eam, proximæ ejus afferentur tibi: Afferentur in lætitia & exultatione, adducentur in templum Regis. Alleluja, Alleluja. *V.* Dispersit dedit pauperibus, justitia ejus manet in sæculum sæculi. Alleluja.

Evang. Simile est Regnum Cælorum thesauro &c. *De Com. nec Virg. nec Mart.* Sine Credo.

Offertorium. Non enim judicavi me scire aliud, nisi Jesum Christum, & hunc crucifixum.

Secreta.

Secreta.

PER hæc sacra myſteria concede nobis Domine : Ut ſicut beatæ Helenæ miſericorditer tribuiſti ut filium tuum crucifixum in corde ſemper geſtaret ; ita & nos eum in cordibus noſtris perpetuò deferamus. Qui vivis & regnas.

Communio. Ascendam in Palmam & apprehendam fructus ejus.

Postcommunio.

COncede nobis miſericors Deus , ut qui ſalutiferæ Crucis tuæ fructu in terra ſumus recreati : Per interceſſionem beatæ Helenæ eodem jugiter perfrui mereamur in Cœlis. Qui vivis & regnas.

DIE XXXI. AUGUSTI.

S. Raymundi Nonnati Confessoris.

Miſſa. Os Juſti. De Cqm. Conf. non Pont. 1. loco. Sine Credo.

O R A T I O.

DEUS, qui in liberandis fidelibus tuis ab impiorum captivitate, beatum Raymundum Confefſorem tuum, mirabilem effeciſti : ejus nobis interceſſione concede ; ut a peccatorum vinculis abſoluti, quæ tibi ſunt placita liberis mentibus exequamur. Per Dominum.

FESTA

FESTA SEPTEMBRIS.

DIE I. SEPTEMBRIS.

B. Isabelle Virginis 3. Ord.

Missæ. Dilexisti. De Com. Virg.

1. loco. Sine Credo.

DIE II. SEPTEMBRIS.

S. Stephani Regis Confessoris.

Missæ. Os Justi. De Com. Conf. non Pont. 1. loco.

Evang. Homo quidam nobilis. De Com. 3. loco. Sine Credo.

O R A T I O.

COncede quæsumus Ecclesiæ tuæ omnipotens Deus : Ut beatum Stephanum Confessorem tuum, quem regnantem in terris propagatorem habuit, propugnatorem habere mereatur gloriosum in cœlis. Per Dominum.

Secreta.

Respice quas offerimus hostias omnipotens Deus ; & præsta, ut qui passionis Dominicæ Mysteria celebramus, imitemur quod agimus. Per Dominum.

Postcommunio.

Præsta quæsumus omnipotens Deus : ut beati Stephani Confessoris tui fidem congrua devotione sectemur ; qui
pro

pro ejusdem fidei dilatatione, de terreno regno ad cœlestis regni gloriam meruit pervenire. Per Dominum.

DIE III. SEPTEMBRIS.

BB. Joannis & Petri Mart. Ord. Min.

Missa. Intret in conspectu tuo. De Com. plurim. Mart. 1. loco. Versus post Grad. Hæc est vera fraternitas. Ut in Festo SS. Berardi & Soc. 16 Januarii. Sine Credo.

DIE IV. SEPTEMBRIS.

*Translatio S. Rosæ Virginis Viterbiensis,
3 Ordinis.*

Missa. Dilexisti. De Com. Virg. 1. loco. Dicitur Credo, per Octavam.

O R A T I O.

DEUS, qui beatam Rosam Sanctarum tuarum Virginum collegio aggregare dignatus es: tribue nobis quæsumus; ut ejus precibus & meritis, a culpis omnibus expiemur, & tuæ majestatis consortio perfruamur æterno. Per Dominum.

DIE V. SEPTEMBRIS.

S. Rosæ Limanæ Virginis.

Missa. Dilexisti. De Com. Virg. 1 loco. Dicitur Credo, propter Octavam.

ORATIO.

O R A T I O.

Bonorum omnium Largitor omnipotens Deus, qui beatam Rosam, celestis gratiæ rore præventam, virginitatis & patientiæ decore Indis florescere voluisti: da nobis famulis tuis, ut in odorem suavitatis ejus currentes, Christi bonus odor effici mereamur. Per Dominum.

D I E V I. S E P T E M B R I S.

S. Laurentii Justiniani Epif. & Conf. Missa. Statuit. De Com. Conf. Pont. I. loco. Dicitur Credo, propter Octavam.

D I E D O M I N I C A i n f r a O c t. N a t i v i t a t i s B. M a r i æ V i r g i n i s.

S. S. Nominis B. Mariæ Virginis.

Introitus. Vultum tuum deprecabuntur omnes divites plebis: adducentur Regi virgines post eam, proximæ ejus adducentur tibi in lætitia, & exultatione. *Psal.* Eructavit cor meum verbum bonum: Dico ego opera mea Regi. Gloria Patri.

O R A T I O.

Concede, quæsumus omnipotens Deus, ut fideles tui, qui sub sanctissimæ Virginis Mariæ Nomine & protectione lætantur: ejus pia intercessione, a cunctis malis liberentur in terris, & ad gaudia æterna pervenire mereantur in cœlis. Per Dominum.

Lectio Libri Sapientiae.

EGo quasi vitis fructificavi suavitatem
 odoris : & flores mei fructus hono-
 ris, & honestatis. Ego Mater pulchræ
 dilectionis, & timoris, & agnitionis, &
 sanctæ spei. In me gratia omnis viæ, &
 veritatis; in me omnis spes vitæ, & vir-
 tutis. Transite ad me omnes qui concu-
 piscitis me, & a generationibus meis ad-
 implemini. Spiritus enim meus super
 mel dulcis, & hæreditas mea super mel
 & favum. Memoria mea in generationes
 sæculorum. Qui edunt me, adhuc esu-
 rient : & qui bibunt me, adhuc sitient.
 Qui audit me, non confundetur, & qui
 operantur in me, non peccabunt. Qui
 elucidant me, vitam æternam habebunt.

Graduale. Benedicta & venerabilis.
*De Missa votiva S. Mariæ post Pente-
 costen.*

Evangelium. Missus est Angelus Ga-
 briel. Ut in festo Annuntiationis B. Ma-
 riæ Virginis 25. Martii. Dicitur Credo.
*Offertorium, Secreta, Communio, &
 Postcommunio de eadem votiva S. Mariæ
 post Pentecosten.*

In Praefatione. Et te in festivitate.

DIE IX. SEPTEMBRIS.
*B. Seraphinæ Sfortiæ Viduæ. Ord.
 S. Claræ.*

Missæ.

*Missæ. Cognovi. De Com. Vid. &
dicitur Credo, propter Octavam.*

O R A T I O.

DEUS, qui per beatam Seraphinam
eximium nobis patientiæ exem-
plum tribuisti: præsta supplicibus tuis, ut
& ipsius instruamur exemplis, & ab omni-
bus ejus patrocínio liberemur adversis.
Per Dominum.

DIE XVII. SEPTEMBRIS.

*Impressionis sacrorum Stigmatum S. P.
Francisci.*

Introitus.

Mihi autem absit gloriari, nisi in
cruce Domini nostri Jesu Christi:
per quem mihi mundus crucifixus est &
ego mundo. *Psal.* Voce mea ad Domi-
num clamavi: voce mea ad Dominum
deprecatus sum. Gloria Patri.

O R A T I O.

Domine JESU CHRISTE, qui fri-
gescente mundo, ad inflammandum
corda nostra tui amoris igne, in carne
beatissimi Patris nostri FRANCISCI Passi-
onis tuæ sacra Stigmata renovasti: con-
cede propitius; ut ejus meritis & preci-
bus crucem jugiter feramus, & dignos
fructus poenitentiae faciamus. Qui vivis
& regnas.

Epistola. Fratres, mihi autem absit.
Ut in die Natali ejus 4. Octobr. Graduale.
Os Justi. Ibidem. Alleluja, Alleluja.

Christo confixus sum cruci : vivo ego,
 jam non ego, vivit vero in me Christus.
 Alleluja.

Post Sept. Tractus. Desiderium. *ut in*
Com. unius Mart. non Pont. 1. loco.

Tempore Paschali. Alleluja, Alleluja.

Christo confixus sum cruci : vivo ego
 jam non ego, vivit vero in me Christus.
 Alleluja. Franciscus pauper & humilis,
 cœlum dives ingreditur, hymnis cœlesti-
 bus honoratur. Alleluja.

Evang. Si quis vult post me venire.
Ut in Com. unius Mart. 2. loco. Dicitur
 Credo.

Offertorium. Desiderium animæ ejus
 tribuisti ei Domine, & voluntate labio-
 rum ejus non fraudasti eum : posuisti in
 capite ejus coronam de lapide pretioso.

Secreta.

Adsit nobis, quæsumus Domine JE-
 SU CHRISTE, Beatissimi Patris
 nostri FRANCISCI pia, humilis & devota
 supplicatio : in cujus carne, prærogativa
 mirabili, passionis tuæ sacra Stigmata
 renovasti ; & præsta, ut virtute præsentis
 oblationis tuæ passionis circa nos benefi-
 cia jugiter sentiamus. Qui vivis & regnas
 cum Deo Patre.

Præ-

Præfatio, ut in die natali ejus.

Communio. Qui vult venire post me,
abneget semetipsum: & tollat crucem
suam, & sequatur me.

Postcommunio.

DEUS, qui mira crucis mysteria in
Beato P. FRANCISCO Confessore
tuo multiformiter demonstraſti: da nobis,
quæſumus; devotionis ſuæ ſemper ex-
empla ſectari, & affidua ejusdem crucis
meditatione muniri Per Dominum.

DIE XVIII. SEPTEMBRIS.

*B. Joſephi à Cupertino Conf. Ord. Min.
Convent.*

*Miſſa. Os juſti. De Com. Conf. non
Pont. 1. loco. Sine Credo.*

O R A T I O.

DEUS, qui ad unigenitum Filium
tuum exaltatum a terra omnia tra-
here diſpoſuiſti: perſice propitius, ut me-
ritis & exemplo Seraphici Confessoris tui
Joſephi, ſupra terrenas cupiditates elevati,
ad eum pervenire mereamur. Qui tecum
vivit.

DIE XX. SEPTEMBRIS.

S. S. Euſtachi: & ſaciorum Martyrum.

*Miſſa. Sapientiam. De Com. plur.
Mari. 2. loco. etiam Oratio. Sine Credo.*

DIE XXII. SEPTEMBRIS.

*S. Thomæ de Villa Nova Episc. & Conf.**Missa. Statuit ei Dominus. De Com.
Pont. & Conf. 1. loco. Sine Credo.*

O R A T I O.

DEUS, qui beatum Thomam Pontificem insignis in pauperes misericordiae virtute decorasti : quæsumus ; ut ejus intercessione, in omnes qui te deprecantur divitias misericordiae tuæ benignus infundas. Per Dominum.

DIE XXIV. SEPTEMBRIS.

*B. Mariæ Virginis de Mercede.**Missa. Salve Sancta Parens. Ut in votivis B. Mariæ a Pentecoste usque ad Adventum. Dicitur Credo.**Præfatio de S. Maria. Et te in festivitate.*

O R A T I O.

DEUS, qui per gloriosissimam filii tui Matrem, ad liberandos Christi fideles a potestate Paganorum nova Ecclesiam tuam prole amplificare dignatus es : præsta quæsumus : ut quam pie veneramur tanti operis Institutricem, ejus pariter meritis & intercessione a peccatis omnibus, & captivitate Dæmonis liberemur. Per eundem Dominum,

DIE XXVI. SEPTEMBRIS.

B. Luciae Virginis 3. Ordinis.

Missæ. Dilexisti. De Com. Virg. 1. loco. Sine Credo.

DIE XXVII. SEPTEMBRIS.

S. Elzearii Confessoris 3. Ordinis.

Missæ. Os Justi. De Com. Conf. non Pont. 1. loco. Evang. Nolite timere. de eodem Com. 2 loco. Dicitur Credo.

O R A T I O.

DEus, qui beatum Elzearium Confes-
sorem tuum inter cætera virtutum
insignia virginali pudicitia in conjugio
decorasti : concede propitius ; ut cujus
festivitatem celebriter veneramus in ter-
ris, ejus beata consortia feliciter conse-
quamur in cælis. Per Dominum.

DIE XXVIII. SEPTEMBRIS.

*B. Bernardini Feltrensis Conf. Ord.
Minorum.*

*Missæ. Os Justi. De Com. Conf. non
Pont. 1. loco. Sine Credo.*

FESTA OCTOBRIS.

DOMINICA PRIMA Octobris.

Solemnitas Rosarii B. Mariæ Virginis.

Missæ.

Missa. Salve sancta Parens. *Ut in votivis S. Mariæ a Pontecoste usque ad Adventum. Dicitur Credo.*

In Præfatione. Et te in Solemnitate.

O R A T I O.

DEus, cujus Unigenitus, per vitam, mortem, & resurrectionem suam, nobis salutis æternæ præmia comparavit: concede quæsumus; ut hæc mysteria sanctissimo beatæ Mariæ virginis Rosario recolentes, & imitemur quod continent, & quod promittunt assequamur. Per eundem Dominum.

Secreta.

FAC nos, quæsumus Domine, his muneribus offerendis convenienter aptari; & per sanctissimi Rosarii Mysteria, sic vitam, passionem & gloriam Unigeniti tui recolere, ut ejus digni promissionibus efficiamur. Per eundem Dominum.

Postcommunio.

SANCTISSIMÆ Genitricis tuæ, cujus Rosarium celebramus, quæsumus Domine precibus adjuvemur; ut & Mysteriorum, quæ recolimus, virtus percipiatur & sacramentorum, quæ sumpsimus, obtineatur effectus. Qui vivis & regnas.

DIX

DIE II. OCTOBRI.

S. S. Angelorum Custodum.

Introitus. Benedicite Dominum omnes Angeli ejus: Potentes virtute, qui facitis verbum ejus, ad audiendam vocem sermonum ejus. *Psalm.* Benedic anima mea Domino: Et omnia quæ intra me sunt, nomini sancto ejus. Gloria Patri.

ORATIO.

DEus, qui ineffabili providentia sanctos Angelos tuos ad nostram custodiam mittere dignaris: largire supplicibus tuis; & eorum semper protectione defendi, & æterna societate gaudere. Per Dominum.

Leſtio Libri Exodi.

HÆC dicit Dominus Deus: Ecce ego mittam Angelum meum, qui præcedat te, & custodiat in via, & introducat in locum quem paravi. Observa eum, & audi vocem ejus, nec contemnendum putes, quia non dimittet cum peccaveris, & est nomen meum in illo. Quod si audieris vocem ejus, & feceris, omnia quæ loquor, inimicus ero inimicis tuis, & affligam affligentes te: præcedetque te Angelus meus.

Graduale. Angelis suis Deus mandavit de te, ut custodiant te in omnibus viis tuis. In manibus portabunt te, ne unquam

quam offendas ad lapidem pedem tuum.
Alleluja, Alleluja. Benedicite Domino
omnes virtutes ejus: Ministri ejus, qui
facitis voluntatem ejus. Alleluja.

Evangelium. Accesserunt discipuli ad
Jesum. *De Festo Dedicationis S. Michaelis.*
Arch. 29. Septembris. Dicitur Credo.

Offertorium. Benedicite Dominum
omnes Angeli ejus: Ministri ejus, qui
facitis verbum ejus, ad audiendam vo-
cem sermonem ejus.

Secreta.

Suscipe Domine munera, quæ pro
sanctorum Angelorum tuorum vene-
ratione deferimus: & concede propitius;
ut perpetuis eorum præsidis, a præsentibus
periculis liberemur, & ad vitam per-
veniamus æternam. Per Dominum.

Communio. Benedicite omnes Angeli
Domini Dominum: Hymnum dicite, &
superexaltate eum in sæcula.

Postcommunio.

Sumpsumus Domine, divina mysteria,
sanctorum Angelorum tuorum festi-
vitate lætantes: quæsumus; ut eorum
protectione ab hostium jugiter liberemur
insidiis, & contra omnia adversa munia-
mur. Per Dominum.

DIE III. OCTOBRI.

Translatio S. Claræ Virg.

*Missæ, ut in die Natali ejus 12 Aug.
Pro Com. Vigilæ S. P. N. Francisci,
Oratio, Secreta, Postcommunio, & Evang.
in fine, ut in die sacrorum Stigmatum
ejusdem: Sine Credo.*

DIE IV. OCTOBRI.

*S. P. N. FRANCISCI Conf.**Introitus.*

GAudeamus omnes in Domino, diem
festum celebrantes sub honore beati
P. FRANCISCI: de cujus solemnitate
gaudent Angeli, & collaudant filium
Dei. *Psal.* Exultare iusti in Domino;
rectos decet collaudatio.

Gloria Patri.

*In Missis votivis. Introitus. Mihi au-
tem, ut in Missali Romano, 4. Octobris.
Oratio & Epist. ut in Missali Rom. etiam
Graduale, addendo post Alleluja.*

O Patriarcha pauperum FRANCISCE,
tuis precibus auge tuorum numerum,
in charitate Christi: quos cancellatis
manibus, cæcutiens ut moriens Jacob,
benedixisti. Alleluja.

*Post Sept. Tractus. Beatus Vir, ut in
Com. Conf. non Pont. Tempore Paschali.
Alleluja, Alleluja. O Patriarcha, ut
supra, addendo. FRANCISCUS pauper &
humilis*

humilis, cœlum dives ingreditur, hymnis cœlestibus honoratur. Alleluja.

Evang. Offert. Secreta, Communio & Postcommunio ut in Miss. Romano supra. Dicitur Credo, per Octavam.

Præfatio.

Per omnia sæcula sæculorum. Dominus vobiscum. Sursum corda. Habemus ad Dominum. Gratias agamus Domino Deo nostro. Dignum & justum est. Vere dignum & justum est, æquum & salutare, nos tibi semper, & ubique gratias agere : Domine Sancte, Pater Omnipotens. æterne Deus. Qui venerandum Confessorem famulum tuum beatum FRANCISCUM, tua Deus altissima bonitate & clementia, Sanctorum tuorum meritis & virtutibus sublimasti ; mentemque ipsius, Sancti Spiritus operatione, amor ille Seraphicus ardentissime incendit interius, ejusque corpus Sacris Stigmatibus insignivit exterius, signo crucifixi JESU CHRISTI Domini nostri. Per quem majestatem tuam laudant Angeli, adorant Dominationes, tremunt Potestates. Cœli cœlorumque virtutes, ac beata Seraphim, sociâ exultatione concelebrant. Cum quibus & nostras voces, ut admitti jubeas deprecamur, supplici confessione dicentes.

DIE

DIE V. OCTOBIS.

S. S. Cosmæ & Damiani Martyrum.

Missæ, ut in Missali Romano, die 27. Septembris..

DIE VI. OCTOBIS.

S. Brunonis Confessoris.

Missæ. Os justî. De Com. Conf. non Pont. I. loco. Dicitur Credo, propter Octavam.

O R A T I O.

S. Brunonis Confessoris tui, quæsumus Domine, Intercessionibus adjuvemur: ut qui Majestatem tuam graviter delinquendo offendimus; ejus meritis & precibus nostrorum delictorum veniam consequamur. Per Dominum.

Secreta.

L Audis tibi Domine, hostias immolamus in tuorum commemoratione sanctorum: quibus nos & præsentibus exui malis confidimus & futuris. Per Dominum.

Postcommunio.

Quæsumus Omnipotens Deus: ut qui cœlestia alimenta percepimus; intercedente beato Brunone, Confessore tuo, per hæc contra omnia adversa muniamur. Per Dominum.

DIE VII. OCTOBRIIS.

*S. Wenceslai Ducis & Martyris.**Missæ. In Virtute tua. De Com. unius Mart. non Pont. 1. loco. Evang. Nolite arbitrari &c. Dicitur Credo, propter Oct.*

O R A T I O.

DEUS, qui beatum Wenceslaum per Martyrii palmam à terreno principatu ad cœlestem gloriam transtulisti: ejus precibus nos ab omni adversitate custodi; & ejusdem tribue gaudere consortio. Per Dominum.

DIE VIII. OCTOBRIIS.

*S. Birgittæ Viduæ.**Missæ. Cognovi. De Com. nec Virg. nec Mart. Epistola, Charissime, Viduam honora. Dicitur Credo, propter Octav.*

O R A T I O.

Domine Deus noster, qui beatæ Birgittæ per filium tuum unigenitum Secreta cœlestia revelasti: ipsius pia intercessione, da nobis famulis tuis; in revelatione sempiternæ gloriæ tuæ gaudere lætantes. Per eundem Dominum.

DIE X. OCTOBRIIS.

*S. Francisci Borgia Confessoris.**Missæ. Os Justi. De Com. Abbatum. Dicitur Credo, propter Octavam.*

O R A -

O R A T I O.

Domine Jesu Christe, veræ humilitatis & exemplar & præmium : quæsumus ; ut sicut beatum Franciscum in terreni honoris contemptu imitatore tu gloriosum effecisti ; ita nos ejusdem imitationis , & gloriæ tribuas esse confortes. Qui vivis & regnas.

In Secreta, & Postcommunione omititur li. Abbas.

DIE XII. OCTOBIS.

B. Seraphini de Asculo Conf. Ord. Min. Capucinorum.

Missa. Justus ut Palma. De Com. Conf. non Pont. 2. loco. Sine Credo.

DIE XIII. OCTOBIS.

S. Eduardi Regis & Confessoris.

Missa. Os Justi. De Com. Conf. non Pont. 1. loco. Dicitur Credo, per Octavam.

O R A T I O.

DEUS, qui beatum Regem Eduardum Confessorem tuum æternitatis gloriâ coronasti : fac nos quæsumus, ita eum venerari in terris, ut cum eo regnare possimus in cœlis. Per Dominum.

DIE XV. OCTOBRIS.

S. Teresiae Virginis.

Missæ. Dilexisti. Ut in Com. Virg. tantum. 1. loco. Dicitur Credo propter Octavam.

O R A T I O.

EXaudi nos Deus salutaris noster; ut sicut de beatæ Teresiae Virginis tuæ festivitate gaudemus; ita cœlestis ejus doctrinæ pabulo nutriamur, & piæ devotionis erudiamur affectu. Per Dominum.

DIE XVI. OCTOBRIS.

*S. S. Danielis & soc. Mart. Ord. Min.**Missæ. Sapientiam Sanctorum.*

O R A T I O.

FRaterna nos Domine, Martyrum tuorum corona lætificet: quæ & fidei nostræ præbeat incrementa virtutum; & multiplici nos suffragio consoletur. Per Dominum.

Epist. Fratres exhibeamus nosmetipsos, ut in supplemento Com. plur. Mart. Grad. Clamaverunt justî, ut in Missæ. Salus justorum. addendo post Alleluja. Hæc est vera fraternitas, ut supra die 16. Jan. Evang. Descendens. Dicitur Credo. Offertorium. Exultabunt Sancti.

Secreta.

Secreta.

ITerata myſteria, Domine, pro Sancto-
rum Martyrum tuorum commemo-
ratione, devota mente tractemus, quibus
præſidium nobis creſcat, & gaudium,
Per Dominum.

Communio. Quod dico vobis in tene-
bris, dicite in lumine, dicit Dominus;
& quod in aure auditis, prædicate ſuper
teſta.

Postcommunio.

PRæſta quæſumus omnipotens Deus;
ut quorum memoriam Sacramenti
participatione recolimus, fidem quoque
proſiciendo ſectemur. Per Dominum.

DIE XVII. OCTOBRIſ.

S. Hedwigis Viduæ.

Miſſa. Cognovi. De Com. nec Virg.
nec Mart. Dicitur Credo, propter Octav.

O R A T I O.

DEUS, qui beatam Hedwigem a ſæ-
culi pompa ad humilem tuæ crucis
ſequelam toto corde tranſire docuiſti:
concede; ut ejus meritis, & exemplo,
diſcamus perituras mundi calcare deli-
cias, & in amplexu tuæ crucis omnia no-
bis adverſantia ſuperare. Qui vivis &
regnas.

DIE XIX. OCTOBRI.

*S. Petri de Alcantara Conf. Ord. Min.**Introitus.*

Mihi autem absit gloriari, nisi in cruce Domini nostri Jesu Christi : per quem mihi mundus crucifixus est, & ego mundo. *Psal.* Benedicam Dominum in omni tempore : semper laus ejus in ore meo. Gloria Patri.

O R A T I O.

DEus, qui beatum Petrum Confessorem tuum admirabilis pœnitentiæ, & altissimæ contemplationis munere illustrare dignatus es : concede propitius ; ut ejus suffragantibus meritis, carne mortificati, cœlestium donorum participes fieri mereamur. Per Dominum.

Pro ejus Translatione.

O R A T I O.

DEus qui animam beati Petri Confessoris tui charismatum donis, & corpus crucis mortificatione decorasti : concede precibus nostris ; ut qui ejus recolimus Translationis memoriam, virtutum quoque imitemur exempla. Per Dominum.

Epist. Fratres quæ mihi fuerunt lucra : *ex missa.* Justus, *De Comm. Conf. non Pont. 2. loco. Graduale ibidem, Os Justi. addendo post Alleluja.*

Crucis

Crucis cultor optime Sancte Petre,
norma veræ sanctitatis ; impetra nobis
tuis precibus fructus dignos pœnitentiæ,
ut tecum simus æternæ gloriæ consortes.
Alleluja.

Post Sept. Tractus. Beatus vir, *ibidem.*

Tempore Paschali: Alleluja, Alleluja.

Christo confixus sum cruci : vivo
ego, jam non ego ; vivit vero in me
Christus. Alleluja. Crucis cultor opti-
me, *ut supra.*

Evang. Nolite timere : *ibidem* ; *Dici-
tur Credo per Octav.*

Offertorium. In virtute tua, *ibidem.*

Secreta.

Oblationem nostram, quæsumus Do-
mine, Sancti Petri meritis placatus
assume ; quam dum in carne viveret,
purissimis manibus contractavit, & ob-
tulit. Per Dominum.

Communio. Amen dico vobis, *ibidem.*

Postcommunio.

Præsta quæsumus omnipotens Deus :
ut beati Petri Confessoris tui semper
facta sectantes ; fructum quem de cœ-
lesti hoc alimento percepit, ipsi quoque
percipere mereamur. Per Dominum.

DIE XXI. OCTOBRI.

S. S. Ursulæ & Sociarum Virg. & Mart.

Missa. Loquebar, &c. exceptis Oratione, Secreta & Postcommunionē, quæ dicuntur de pluribus Virg. & Mart. & *Epist.* quæ est, De Virginibus præceptum Domini. *De Com. Virg.* 2. loco. Dicitur Credo, propter Octavam.

DIE XXII. OCTOBRI.

B. Ladislai Gielnoviensis. Conf. Ord. Min.

Missa. Justus ut Palma. *De Com. Conf.* non Pont. 2. loco. Dicitur Credo, propter Octavam.

O R A T I O.

DEus, qui Beatum Ladislaum Religiosa perfectione voluisti omnibus præluce, concede propitius, ut ejus exemplo in virtutibus jugiter proficiamus. Per Dominum nostrum Jesum Christum.

DIE XXIII. OCTOBRI.

S. Joannis Capistrani Confessoris Ord. Minorum.

Missa. Os Justi. *De Com. Conf.* non Pont. 1. loco. Dicitur Credo per Octav.

O R A T I O.

DEus, qui Ecclesiam tuam, Beati Joannis meritis & doctrinis mirabiliter sublimasti, & per eum de perfidis tyrannis in virtute sanctissimi Nominis

JESU

JESU fideles tuos triumphare fecisti :
præsta quæsumus ; ut de inimicis nostris,
ejus intercessione prævalentes in terris,
præmiari cum ipso mereamur in Cœlis.
Qui vivis & regnas.

Post Graduale dicitur.

Alleluja, Alleluja. O Zelator fidei,
persecutor H * * * * Lumen virtutum,
exterminator Turcarum Prædicator egre-
gie, Doctor populorum, Joannes fide-
lissime, Ordinis Minorum ; esto nobis
præsidium è regno Beatorum. Alleluja.

DIE XXVII. OCTOBRI.

Translatio S. Ivonis Confessoris 3. Ordinis.

*Missa. Justus. De Com. Conf. non
Pont. 2. loco. Evang. Sint lumbi. De
Com. 1. loco. Dicitur Credo, propter
Octavam.*

O R A T I O.

DEus, qui Beatum Ivonem Confesso-
rem tuum innumeris decorasti mi-
raculis : te suppliciter deprecamur ; ut
qui hodiernâ die ejus elevationem &
translationem celebramus, ipsius apud te
patrocinia sentiamus. Per Dominum.

DIE XXIX. OCTOBRI.

Venerabilis Bedæ Presbyteri & Conf.

*Missa. Os Justi. De Com. Conf. non
Pont. 1. loco. Dicitur Credo, propter
Octavam.*

O R A-

O R A T I O.

DEUS, qui Ecclesiam tuam Beati
BEDÆ Confessoris tui atque Doc-
toris eruditione clarificas, concede pro-
pitius Famulis tuis, ejus semper illustrari
sapientia, & meritis adjuvari. Per Do-
minum nostrum.

*Pro Commemorat. Oñ. S. Joannis
Capist. Secreta & Postcommunio. ex
Missa. Justus.*

FESTA NOVEMBRIS.

DOM. II. NOVEMBRIS.

Patrocinii S. M. V.

*Missa. Ut in ejus Festo ad Nives. V.
Augusti. cum Credo. Præfat. Et te in
Festivitate, &c.*

DIE III. NOVEMBRIS.

*S. Winesfridæ Virg. & Martyris, ubi ce-
lebratur.*

*Missa. Loquebar. De Com. Virg. &
Martyris 1. loco. etiam Oratio. Dicitur
Credo, propter Oñav.*

DIE IV. NOVEMBRIS.

S. Caroli Borromæi Epif. & Confessoris.

*Missa. Statuit ei Dominus, De Com.
Conf. Pont. 1. loco. Dicitur Credo propter
Oñavam.*

O R A

O R A T I O.

Ecclēsiā tuā Domine, Sancti Caroli Confessoris tui atque Pontificis continua protectione custodi: ut sicut illum Pastoralis sollicitudo gloriosum reddidit; ita nos ejus intercessio in tuo semper faciat amore ferventes. Per Dominum. *Additur Com. B. Helenæ Paduanæ Virg. ex 1. Communi.*

DIE X. NOVEMBRIS.

*Translatio S. Ludovici Episc. & Confessoris
Ord. Min.*

*Missā. Ut in ejus die natali 19. Augusti.
Sine Credo.*

DIE XII. NOVEMBRIS.

S. Didaci Confessoris, Ord. Minorum.

Introitus.

Humiliavit se in omnibus, & coram Deo invenit Gratiam: quoniam magna potentia Dei, & ab humilibus honoratur. *Psal. Benedic anima mea Dominum: & omnia interiora mea Nomen Sanctum ejus. Gloria Patri.*

O R A T I O.

Omnipotens sempiterne Deus, qui dispositione mirabili, infirma mundi eligis, ut fortia quæque confundas: concede propitius humilitati nostræ; ut
piis

piis Beati Didaci Confessoris tui precibus,
ad perennem in cœlis gloriam sublimari
mereamur. Per Dominum.

In ejus Translatione.

O R A T I O.

DEus qui per translationem corporis
Beati Didaci Confessoris tui, ejus
Gloriam in terris renovasti : concede
propitius ; ut ipsius precibus nos spiritu
renovati, æterna præmia consequi mere-
amur in cœlis. Per Dominum.

*Lectio Epistolæ beati Pauli Apostoli ad
Corinthios.*

FRatres, videte vocationem vestram ;
quia non multi sapientes secundum
carnem, non multi potentes, non mul-
ti nobiles : sed quæ stulta sunt mundi
elegit Deus, ut confundat sapientes : &
infirma mundi elegit Deus, ut confun-
dat fortia : & ignobilia mundi & con-
temptibilia elegit Deus, & ea quæ non
sunt, ut ea quæ sunt destrueret, ut non
glorietur omnis caro in conspectu ejus.
Ex ipso autem vos estis in Christo JESU,
qui factus est nobis sapientia à Deo,
& justitia, & sanctificatio & redemptio :
ut quemadmodum scriptum est : qui
gloriatur, in Domino gloriatur. Et
ego cum venissem ad vos, fratres, veni,
non in sublimatè sermonis, aut sa-
pientiæ,

pienitiæ, annuntians vobis testimonium
CHRISTI : non enim judicavi me
scire aliquid inter vos, nisi JESUM
CHRISTUM, & hunc crucifixum.

*Graduale, Tractus, & Alleluja tempore
Paschali, ut in com. Abbatum Evang.
Acceperunt Discipuli ad JESUM,
usque ad hæc verba : vœ mundo. Ut in
Festo S. Michaelis 29. Sept. Dicitur Credo
per Octavam.*

Offertorium. Mihi autem absit glo-
riari, nisi in cruce Domini nostri JESU
CHRISTI : per quem mihi mundus
crucifixus est, & ego mundo.

Secreta.

HÆC Hostia, quæsumus Domine,
quam Sancti Didaci Confessoris tui
solemnitate (Translatione) offerimus;
ipso etiam intercedente, & vincula nos-
træ pravitatis absolvat, & tuæ nobis mi-
sericordiæ dona conciliet. Per Domi-
num.

Communio. Tollite jugum meum su-
per vos, & discite à me, quia mitis sum
& humilis corde; & inveniētis requiem
animabus vestris.

Postcommunio.

DEus, qui familiam tuam his Sacri-
ficiis purgatam, Beati Didaci Con-
fessoris tui celebritate (Translatione) læ-
tificas : concede quæsumus; ut ejus
L humili-

humilitatis & patientiæ imitetur vestigia,
& ad gaudia perveniat sempiterna. Per
Dominum.

DIE XIV. NOVEMBRIS.

S. Andreae Avellini Confessoris.

*Missæ. Os Justi. De Com. Conf. non
Pont. 1. loco. Dicitur Credo. propter Oclavam.*

O R A T I O.

DEus, qui in corde beati Andreae
Confessoris tui, per arduum quo-
tidie in virtutibus proficiendi votum, ad-
mirabiles ad te ascensiones disposuisti:
concede nobis ipsius meritis, & inter-
cessione; ita ejusdem gratiæ participes
fieri, ut perfectiora semper exequentes,
ad gloriæ tuæ fastigium feliciter perduca-
mur. Per Dominum.

DIE XV. NOVEMBRIS.

S. Gertrudis Virginis & Abbatissæ.

*Missæ. Dilexisti. De Com. Virg. tant.
1 loco. Dicitur Credo. propter Oclav.*

O R A T I O.

DEus, qui in cordæ beatæ Gertrudis
Virginis jucundam tibi mansionem
præparasti, ipsius meritis & intercessione
cordis nostri maculas clementer absterge,
& ejusdem tribue gaudere consortio. Per
Dominum, &c.

DIE

DIE XVI. NOVEMBRIS.

S. Agnētis Affistātis Virg. Germanæ Sororis S. Claræ

Missa. Dilexisti. De Com. Virg. tant. Dicitur Credo, propter Octav.

DIE XVII. NOVEMBRIS.

B. Salomeæ Reginae Virg. Ord. S. Claræ.

Missa. Dilexisti. De Com. Virg. tant.

1. loco. Dicitur Credo. propter Octav.

O R A T I O.

DEus, qui in Beata Salomea terreni Regni contemptum cum Virginitatis candore in connubio Sociasti; concede nobis, quæsumus, ut ejus exemplo tibi casto, & humili corde servientes, immarcescibilem coronam gloriæ in Cælis consequi mereamur. Per Dominum.

DIE XIX. NOVEMBRIS.

S. Elizabeth Hungariæ Viduæ 3. Ordinis.

Missa. Cognovi, ut in Com. nec Virg. nec Mart. Epist. Viduas honorâ. Dicitur Credo.

O R A T I O.

TUorum corda fidelium Deus miserator illustra: & Beatæ Elisabeth precibus gloriosis, fac nos prospera mundi despiciere, & cœlesti semper consolatione gaudere. Per Dominum.

Secreta.

MUnera Domine nostræ devotionis offerimus ; ut tibi grata, & nobis salutaria, Beatæ Elizabeth pia supplicatione reddantur. Per Dominum.

Postcommunio.

QUos, Domine, salutaribus dignatus es reparare mysteriis : Beatæ Elizabeth, quæsumus intercessione ; cœlestibus semper nutrias alimentis. Per Dominum.

DIE XX. NOVEMBRIS.

S. Edmundi Regis & Martyris.

Missæ. In virtute tua. De Com. unius Martyris non Pont. 1. loco. Evangelium. Nolite arbitrari &c. Sine Credo.

Ex Missali Sarisburiensi.

O R A T I O.

DEUS, ineffabilis misericordiæ, qui beatissimo Regi Edmundo tribuisti inimicum pro tuo nomine moriendo vincere ; concede propitius huic familiæ tuæ, ut eo interveniente, mereatur in se antiqui hostis incitamenta superando extinguere. Per Dominum.

Secreta.

HOC Sacrificium redemptionis nostræ, quæsumus omnipotens Deus, clementer respice, & intercedente beato Edmundo

Edmundo Rege & Martyre tuo, pro hac familia tua placatus assume. Per Dominum.

Postcommunio.

Sint tibi omnipotens Deus, grata nostræ servitutis obsequia: ut hæc sancta quæ sumpsimus, intercedente beato Edmundo Rege & Martyre tuo, prosint nobis ad capeßenda præmia vitæ perpetuæ. Per Dominum.

DIE XXVI. NOVEMBRIS.

B. Delphinæ Virginis 3. Ordinis.

Missæ. Dilexisti. De Com. Virg. tant.

1. loco. Sine Credo.

O R A T I O.

DEUS, qui Beatam Delphinam famulam tuam inter cætera virtutum insignia virginali pudicitia in conjugio decorasti: concede propitius; ut cujus sacra solemnia celebriter veneramur in terris, ejus beata consortia feliciter consequamur in cœlis. Per Dominum.

DIE XXVII. NOVEMBRIS.

Omnium Sanctorum trium Ordinum S. P.

N. Francisci.

Missæ. Gaudeamus, ut die 1. Nov. in Missali Romano, addendo ubique, Omnium Sanctorum Ordinis Minorum.

O R A T I O.

OMnipotens sempiterne Deus, qui Ecclesiam tuam variis Sanctorum splendoribus semper illustras, protegis, atque conservas: concede propitius; ut Beati P. FRANCISCI & Sanctorum Filiarum ejus, quorum omnium merita nos sub una tribuisti celebritate venerari, precibus; & hic ab omnibus mundemur offensis, & in futuro gloria perfruamur æterna. Per Dominum.

Epist. & Graduale, ut supra. Evang.
Nollite timere pusillus grex. Dicitur Credo.

Offertorium. Exultabunt Sancti in gloria, lætabuntur in cubilibus suis, exaltationes Dei in faucibus eorum.

Præfatio de S. P. Francisco, ut die
4. Octobris.

Communio. Lætamini in Domino, & exultate iusti, & gloriamini omnes recti corde.

DIE XXVIII. NOVEMBRIS.

S. Jacobi de Marchia Confessoris Ord.
Minorum.

Missa. Justus ut Palma. *De Com. Conf.*
non Pont. 2. loco. Dicitur Credo, per
Octavam.

O R A -

O R A T I O.

DEus, qui ad animarum salutem, & peccatores è vitiorum cœno ad vitam virtutis revocandos Beatum JACOBUM Confessorem tuum Evangelii præconem eximium effecisti : Concede propitius ; ut ejus intercessione a peccatis omnibus expiati, vitam consequamur æternam. Per Dominum nostrum,

DIE XXIX. NOVEMBRIS.

S. Felicis Valesii Confessoris.

Missæ. Justus ut Palma. De Com. Conf. non Pont. 2. loco. Dicitur Credo. propter Octavam.

O R A T I O.

DEus, qui beatum Felicem Confessorem tuum ex eremo ad munus redimendi Captivos cœlitus vocare dignatus es : præsta quæsumus ; ut per gratiam tuam ex peccatorum nostrorum captivitate, ejus intercessione liberati, ad cœlestem patriam perducamur. Per Dominum,

FESTA DECEMBRIS.

DIE I. DECEMBRIS.

S. Joannis à Cruce Conf.

Missæ. Os Justi. De Com. Conf. non Pont. 1. loco. Sine Credo.

O R A -

O R A T I O.

DEUS, qui Sanctum Joannem Confessorem tuum perfectæ sui abnegationis, & Crucis amatorem eximium effecisti : Concede, ut, ejus imitationi jugiter inhærentes, gloriam assequamur æternam. Per Dominum, &c.

DIE II. DECEMBRIS.

S. Bibianæ Virginis & Martyris.

Missæ. Me expectaverunt. De Com. Virg. & Mart. 2. loco. Dicitur Credo. propter Octavam.

O R A T I O.

DEUS, omnium largitor bonorum, qui in famula tua Bibiana cum virginitatis flore Martyrii Palmam conjunxisti : mentes nostras ejus intercessione tibi charitate conjunge ; ut amotis periculis, præmia consequamur æterna. Per Dominum.

DIE III. DECEMBRIS.

S. Francisci Xaverii Confessoris.

Introitus. Loquebar de testimonijs tuis in conspectu Regum, & non confundebam : & meditabar in mandatis tuis, quæ dilexi nimis. Psalm. Laudate Dominum omnes gentes : Laudate eum omnes populi. Quoniam confirmata est super

super nos misericordia ejus, & veritas Domini manet in æternum. Gloria Patri.

O R A T I O.

DEUS, qui Indiarum gentes Beati Francisci prædicatione & miraculis Ecclesiæ tuæ aggregare voluisti: Concede propitius; ut cujus gloriosa merita veneramur, virtutum quoque imitemur exempla. Per Dominum.

Epistola. Fratres, Corde enim creditur. *ut in Festo S. Andrea Apost. 30. Novembris.*

Graduale. Justus ut Palma. *De Com. Conf. non Pont. 1. loco.*

Sequentia Sancti Evangelii secundum Marcum.

IN illo tempore: Dixit Jesus Discipulis suis: Euntes in mundum universum, prædicate Evangelium omni creaturæ. Qui crediderit, & baptizatus fuerit, salvus erit: qui vero non crediderit, condemnabitur. Signa autem eos, qui crediderint, hæc sequentur: In nomine meo dæmonia ejicient; lingujs loquentur novis; serpentes tollent; & si mortiferum quid biberint, non eis nocebit: super ægros manus imponent & bene habebunt. *Dicitur Credo, propter Octavam.*

Offerto-

*Offertorium, & Communio. De Com.
Conf. non Pont 1. loco.*

*Secreta, & Postcommunio. De Com.
Conf. non Pont. 2. loco.*

DIE IV. DECEMBRIS.

S. Barbaræ Virg. & Martyris.

*Missæ. Loquebar. De Com. Virg.
& Mart. 1. loco. etiam Oratio. Dicitur.
Credo. propter Octavam.*

DIE VIII. DECEMBRIS.

*Immaculata Conceptio B. Mariæ Vir-
ginis.*

Introitus.

EGredimini, & videte Filiæ Sion
Reginam vestram, quam laudant
astra matutina: cujus pulchritudinem
Sol & Luna mirantur, & jubilant omnes
Filii Dei. *Psalms.* Quam dilecta taber-
nacula tua Domine virtutum! con-
cupiscit, & deficit anima mea in atria
Domini. Gloria Patri.

O R A T I O.

DEus, qui per immaculatam Virgi-
nis Conceptionem dignum Filio
tuo habitaculum præparasti: quæsumus;
ut qui ex morte ejusdem Filii sui prævi-
sa, eam ab omni labe præservasti, nos
quoque mundos, ejus intercessione, ad
te

te pervenire concedas. Per eundum Dominum.

Epist. Dominus possedit me, ut in *Missali Romano hac die.*

Graduale. Qualis est dilecta nostra, charissimi? qualis est Mater, dicite, Domini? qualis & quanta sit Soror & Sponsa Christi! Dilecta nostra candida, Immaculata, quasi Aurora consurgens. Alleluja. Alleluja. Veni Regina nostra, veni Domina in hortum odoris super omnia aromata. Alleluja.

Past Sept. Tractus. Gaude Maria, ut in *Missæ votivæ ejus a Purificatione usque ad Pascha. Tempore Pascha.* Alleluja, Alleluja. Veni Regina nostra, veni Domina in Hortum odoris super omnia aromata. Alleluja. Virga Jesse floruit: Virgo Deum & hominem genuit. Pacem Deus reddidit, in se reconcilians ima summis. Alleluja.

*Sequentia Sancti Evangelii secundum
Lucam.*

IN illo tempore: loquente JESU ad turbas, extollens vocem quædam mulier de turba, dixit illi: Beatus venter qui te portavit, & ubera quæ suxisti. At ille dixit: quinimmo Beati, qui audiunt Verbum Dei, & custodiunt illud. *Dicitur Credo, per Octavam.*

Offert-

Offertorium. Hortus conclusus, fons signatus; emissiones tuæ paradisus, & Maria: manus tuæ stillaverunt myrram, mellisfluique facti sunt Cœli, dum manu Domini fabricata es Mater tanti Dei.

Secreta.

Suscipere digneris per te metipsum benignitatis auctorem, rogamus, Domine Matris, ac domus tuæ, zelatorum devotas cum hilaritate supplicationes: ut sicut ipsa, tua gratia præveniente, mundo [hodie] immunis apparuit: ita ipsi mundam de tuæ Matris munere, te concedente, exhibeant gratiarum actionem. Per te metipsum **JESUM CHRISTUM** Filium ejus: qui vivis, &c.
In Præfatione. Et te in Conceptione.

Communio. Gloriosa dicta sunt de te Maria, quia fecit tibi magna, qui potens est.

Postcommunio.

Odorem, Domine, Sacrificii hujus suscipe suavitatis, & præsta; ut qui [hodie] Mariæ Conceptionem jubilando celebrant, ejus salubri oratione, fructum centuplum suæ devotionis accipiant, Per Dominum.

DIE IX. DECEMBRIS.

S. Petri Chrysologi Episc. & Conf. Doct.

Missa. In medio Ecclesiæ. *De Com. Doct. Dicitur Credo.*

O R A.

O R A T I O.

DEUS, qui Beatum Petrum Chrysologum Doctorem egregium divinitus præmonstratum, ad regendam, & instruendam Ecclesiam tuam eligi voluisti: præsta quæsumus; ut quem Doctorem vitæ habuimus in terris, intercessorem habere mereamur in cœlis. Per Dominum.

DIE X. DECEMBRIS.

*B. Gabrielis Ferretti Conf. Ord. Min.
Missa. Os Justi. De Com. Conf. non
Pont. 1. loco. Dicitur Credo. propter
Ostavam.*

O R A T I O.

DEUS, qui à sede Majestatis tuæ humilia benignus respicis, & alta. à longè cognoscis: concede Famulis tuis, ut beati Gabriëlis Confessoris tui meritis, & exemplo mundi vanitatem, ac sæculi desideria abnegantes, promissa humilibus præmia consequi mereamur. Per Dominum nostrum.

DIE XVI. DECEMBRIS.

S. Eusebii Epif. & Martyris.

*Missa. Sacerdotes Dei. De Com. unius
Martyris Pontificis 2. loco. etiam Oratio.
Sine Credo.*

DIE XVIII. DECEMBRIS.

Expectatio Partus S. Mariæ Virginis.

Introitus. De Feria 4. quatuor temporum adventus. Reliqua Missa de votiva S. Mariæ in adventu, præter Versum post Graduale : Alleluja, Alleluja. Ecce Virgo concipiet, & pariet filium Jesum Christum, Alleluja. Dicitur Credo. In Præf. Et te in Expectatione. Si hoc festum incidat in Fer. 4. quat. Temporum, in fine Missæ legitur Evang. S. Joannis.

MISSA VOTIVA

Ad postulandam gratiam benè moriendi.

*Ex Decreto CLEMENTIS XI.**Introitus. Psalm. 12.*

Illumina oculos meos, ne unquam obdormiam in morte, ne quando dicat inimicus meus: Prævalui adversus eum. *Psalm. Usquequò Domine oblivisceris me in finem? Usquequò avertis faciem tuam à me? Vers. Gloria Patri.*

ORATIO.

OMnipotens & misericors Deus, qui humano generi, & salutis remedia, & vitæ æternæ munera contulisti: respice propitius nos famulos tuos, & animas

mas refove ; quas creasti : ut in hora exitus eorum absque peccati macula tibi creatori suo per manus sanctorum Angelorum repræsentari mereantur. Per Dominum nostrum.

Lectio Epistolæ beati Pauli Apostoli ad Romanos. Rom. 14. b.

FRATRES , nemo nostrum sibi vivit , & nemo sibi moritur. Sive enim vivimus, Domino vivimus ; sive morimur, Domino morimur ; sive ergò vivimus, sive morimur, Domini sumus. In hoc enim Christus mortuus est, & resurrexit, ut & mortuorum, & vivorum dominetur. Tu autem quid judicas fratrem tuum ? aut tu quare spernis fratrem tuum ? Omnes enim stabimus antè Tribunal Christi. Scriptum est enim : Vivo ego, dicit Dominus, quoniam mihi flectetur omne genu, & omnis lingua confitebitur Deo. Ita unusquisque nostrum pro se rationem reddet Deo.

Graduale. Psalm. 22. Si ambulem in medio umbræ mortis, non timebo mala : quoniam tu mecum es, Domine.

Vers. Virga tua, & baculus tuus ipsa me consolata sunt. Alleluja, Alleluja.

Vers. Psalm. 30. In te Domine speravi, non confundar in æternum : in justitia tua libera me, & eripe me ; inclina ad

me aurem tuam, accelera, ut eripias me.
Alleluja.

Post Septuagesimam, omisso Alleluja, & Versu sequenti, dicitur.

Tractus. Psal. 24. De necessitatibus meis eripe me Domine. Vide humilitatem meam, & laborem meum, & dimitte omnia peccata mea. *Vers.* Ad te Domine levavi animam : Deus meus in te confido, non erubescam : neque irrideant me inimici mei. *Vers.* Etenim universi, qui te expectant, non confundentur : confundantur omnes facientes vana.

Tempore Paschali omittitur Graduale, & ejus loco dicitur. Alleluja, Alleluja. Vers. Psalm. 113. In exitu Israël de Ægypto, domus Jacob de populo barbaro, Alleluja. *Vers. Psal. 107.* Paratum cor meum Deus, paratum cor meum : cantabo & psallam tibi, gloria mea. Alleluja.

Sequentia Sancti Evangelii secundum

Lucam. Luc. 21. g.

IN illo tempore : Dixit Jesus discipulis suis. Attendite vobis, ne fortè graventur corda vestra in crapula, & ebrietate, & curis hujus vitæ, & superveniat in vos repentina dies illa : tanquam laqueus enim superveniet in omnes, qui sedent super faciem omnis terræ. Vigilate itaque

itaque omni tempore orantes, ut digni habeamini fugere ista omnia, quæ futura sunt, & stare antè Filium hominis.

Offertorium. Psalm. 30. In te speravi Domine : dixi, tu es Deus meus : in manibus tuis tempora mea.

Secreta.

Suscipe, quæsumus Domine, hostiam, quam tibi offerimus pro extremo vitæ nostræ : & concede, ut per eam universa nostra purgentur delicta ; ut quæ tuæ dispositionis flagellis in hac vita atterimur, in futura requiem consequamur æternam. Per Dominum nostrum.

Communio. Psal. 70. Domine, memorabor justitiæ tuæ solius : Deus, decuisti me à juventute mea, & usque in senectam, & senium, Deus, ne derelinquas me.

Postcommunio.

Quæsumus clementiam tuam, Omnipotens Deus, ut per hujus virtutem Sacramenti nos famulos tuos gratia tua confirmare digneris : ut in hora mortis nostræ non prævaleat contra nos adversarius, sed cum Angelis tuis transitum habere mereamur ad vitam. Per Dominum nostrum.

QUÆDAM NOVA DECRETA URBIS,
ET ORBIS.

SANCTISSIMUS Dominus. Noster CLEMENS PAPA XIII. inter Multiplices Apostolatûs sui curas, Sacrorum Rituum Amplitudinem præ oculis habere non prætermittens pia meditatione perpendit, quod quamvis compertum sit Festis quibuscumque diebus Ecclesiam jugi cultu Sacrosanctæ & Individuæ Trinitatis solemnia colere, quum Deum ipsum, qui est Pater & Filius, & Spiritus Sanctus rerum omnium opifex, & ad quem omnia referenda sunt, in Festis quoque Deiparæ & aliorum Sanctorum Venerari, & glorificare profiteatur, maxime tamen deceat Dominico die, quò Deus ipse lucem condidit, quò Jesus Christus à mortuis resurrexit, quo sedens ad dexteram Patris Paraclitum Spiritum Sanctum misit de cœlis, quo proinde ineffabile, & incomprehensibile Trinitatis Mysterium manifestum factum est nobis, quemadmodum in Divino officio tùm ad Primam recitando Symbolum *Quicumque*, tùm plerumque in ultimo tertii Nocturni Responso: io Augustissimæ Triadis fit commemoratio, idem & in Missæ sacrificio peragi, & in eâ potissimum parte, qua contestamur dignum, & justum esse Deo gratias agere, Eumque collaudare, benedicere, & prædicare; Idcirco ad majorem splendidiorumque tanti mysterii gloriam, ut Fideles quoque, qui die Dominico Missæ interesse debent latius, atque apertius Sacrosancti ejusdem Mysterii præconia audientes debitum & ipsi servitutis obsequium supremæ impendant Majestati, statuit,

Statuit, atque decernit, quod singulis Dominicis diebus totius Anni, quibus Præfationes propriæ per Rubricas non sunt assignatæ, incipiendo à Dominica Sanctissimæ Trinitatis currentis Anni MDCCCLIX. Sacerdotes omnes utriusque Cleri Secularis nempe, atque Regularis Præfationem de sanctissima Trinitate, quæ jam inde a Vetutissimis temporibus in usu fuisse dignoscitur, in Missa recitare teneantur, & ita inviolabiliter Observari mandavit. Hac die 3. Januarii 1759. Loco † Sigi li.

D. F. Cardinalis Tamburinus Præfatus.

M. Marefusus S. R. C. Secretarius.

D E C R E T U M
SACRÆ CONGREGATIONIS INDUL-
GENTIIS, & SACRIS RELIQUIIS
PRÆPOSITÆ.

QUUM Sacra Congregatio Indulgentiis, & Sacris Reliquiis præposita die 31. mensis Martii Anno 1759. fuerit in voto Confessionem Sacramentalem quando in Brevibus apponitur pro Indulgentiæ consecutione, peragi omnino debere, etiam ab his, qui sibi lethalis peccati conscii non sunt, nec non præfatam Confessionem suffragari etiam posse, si in vigilia Festivitatis expleatur, Votumque congregationis SS. D. Noster CLEMENS PP. XIII. benigne approbaverit, illudque typis publicari sub datum 19. Maij prædicti Anni mandaverit; quam plures supplices libelli tum Regularium Communitatum, & præsertim Monialium, tum etiam Parochorum, & nonnullorum Episcoporum pro suis Diæcesibus porrecti sunt, quibus maxima exponebatur difficultas, quæ
interdum

interdum, imo perſæpe incidit pro Sacramentali Confessione, ſive in Feſto, vel ad minus in vigilia peragenda. Quamobrem, ut adeo proficius Indulgentiarum Theſaurus reddatur Fidelibus accommodè comparandus, enixis precibus ſupplicabant Sanctitati ſuæ, ut opportuno aliquo remedio de Apoſtolica benignitate providere dignaretur: Quibus precibus ad prædictum Sac. Congregationem remiſſis, propoſitum in ea fuit Dubium. . . “ An, & quomodo fit conſulendum Sanctiſſimo ſuper præfati Decreti executione, vel declaratione in caſu &c. *Et reſponſum fuit* . . . Conſulendum Sanctiſſimo Domino Noſtro, ut concedere dignetur Indultum omnibus Chriſti fidelibus, qui frequenti peccatorum confessione animam ſtudentes expiare, ſemel ſaltem in Hebdomada ad Sacramentum Pœnitentię accèdere, niſi legitime impèdiantur, conſueverunt; & nullius lethalis culpæ à ſe poſt peractam ultimam Confessionem commiſſæ ſibi conſcii ſunt, ut omnes & quæcumque Indulgentias conſequi poſſint, etiam ſine actuali Confessione, quæ cæteroquin juxta præfati Decreti definitionem ad eas lucrandas neceſſaria eſſet. Nihil tamen innovando circa Indulgentias Jubilæi, tam ordinarii, quam extraordinarii, aliasque ad inſtar Jubilæi conceſſas, pro quibus aſſequendis, ſicut & alia opera injuncta, ita & Sacramentalis Confessio, tempore in earum conceſſione præſcripto, peragantur. . .” Et facta per me inſcriptum ejusdem Sacre Congregationis Secretarium de præmiſſis omnibus Sanctiſſimo Domino Noſtro relatione,
Sanctitas,

Sanctitas sua piis Bonorum desideriis, ac votis satisfacere, & Indulgentiarum gratias, iis potissimum, qui pie sancteque vivendo, donis Divinae Misericordiae digniores efficiuntur, elargiri quam maxime cupiens, benigne, annuit, & praefatum indultum in forma superscripta expediri, & publicari mandavit quibuscumque in contrarium non obstantibus.

DATUM ex Secretaria Sacrae Congregationis Indulgentiarum die nona Decembris. M.DCC.LXIII.

N. Cardinalis Antonellus Praefectus.

J. DE COMITIBUS S. Congreg. Indulgentiarum Secretarius.

D E C R E T U M
SACRAE CONGREGATIONIS INDUL-
GENTIIS ET SACRIS RELIQUIIS
PRAEPOSITAE.

CUM ex veteri & laudabili Ecclesiae Instituto die 2. Novembris omnium Defunctorum memoria reoli, eorumque animae Crationibus, eleemosynis aliisque piis operibus, & Ecclesiae Suffragiis, potissimum vero acceptabili sacrosanctae Missae Sacrificio ab universis Christi Fidelibus juvari solent, Sanctissimus Dominus Noster CLEMENS PAPA XIII. ex Paterna sua charitate erga omnes Fideles tam vivos, quam Defunctos, animabus eorum, qui ex hac mortali vita in gratia & charitate Dei, nondum tamen omnibus mundanis sordibus expiatis, decesserunt, de inexhausto Catholicae Ecclesiae Thesauro abundantius suffragari quam maxime cupiens, ut celerius e Purgatorii poenis liberatae ad aeternam gloriam per

per Dei misericordiam pervenire valeant, de
 Consilio VV. S. R. E. Cardinalium Indul-
 gentiis sacrisque Reliquiis Præpositorum, uni-
 versali hoc Decreto, perpetuis futuris tempo-
 ribus valituro benigne concedit, ut Missa die
 prædictæ Commemorationis Defunctorum à
 quocunque Sacerdote sæculari vel cujuslibet
 Ordinis & Instituti Regularis celebranda, gau-
 deat Privilegio, ac si in Altari privilegiato es-
 set celebrata, decernendo tamen, ut non nisi
 consuetam eleemosynam unusquisque Sacer-
 dos pro dicta Missa, licet privilegiata, accipiat,
 ac in ea tantum quantitate, quæ à Synodali-
 bus Constitutionibus, seu loci consuetudine re-
 gulariter præfinita fuerit. Quibuscumque in
 contrarium facientibus non obstantibus. Da-
 tum die 19. Maii 1761.

Signatum erat. N. Card. ANTONELLUS
 Præfectus. L. ✝ S.

J. DE COMITIBUS. S. Congreg. Indulgen-
 tarium Secretarius.

**BENEDICTIO CORDÆ S. P. N.
 FRANCISCI.**

Adjutorium nostrum in nomine Domini.

Qui fecit cælum & terram.

Sit, nomen Domini benedictum. Ex hoc
 nunc & usque in sæculum.

Dominus vobiscum. Et cum Spiritu tuo.

Oremus.

DEUS, qui ut servum redimeres, filium
 tuum funibus ligari voluisti: Benedic ✝
 quæsumus funem istum, ut famulus tuus, qui
 eo velut ligamine pœnitentiali cingetur, vin-
 culorum

culorum ejusdem filii tui Domini nostri Jesu Christi memor existat; in statu devotionis constanter perseveret; & tuis cum effectu obsequiis semper se obligatum esse cognoscat. Per eundem Christum Dominum nostrum. Am.

Oremus.

Domine Jesu Christe, qui funibus in tua passione ligari voluisti, & Beatum Petrum Apostolum à vinculis absolutum illæsum abire fecisti: te suppliciter deprecamur; ut hunc funem, quem ad imitationem patrum nostrorum, & præcipue Seraphici Patris nostri Francisci, hic famulus tuus eligit, virtute tua benedicas; ut qui hac corda cingetur, lumbos suos chastitate præcingat: sit justitia cingulum lumborum ejus, & fides cinctorium renum ejus: vincula & carceres non abhorreat; peccatorum suorum vinculis liberetur, ac libertatem ab omni peccato & miseria, quam ei tuo sanguine comparalli misericorditer consequatur. Qui vivis & regnas in sæcula sæculorum. Amen.

Aspergat Chordam aqua benedicta, & porrigat ei quem admittit. Dicendo. Accipe cingulum istud, & paratus esto alligari, & mori pro Domino nostro Jesu Christo.

Postea cingendo eum Chorda sacerdos dicat.

Præcingat te Dominus hac chorda Humilitatis & Puritatis, & extinguat in lumbis tuis humorem libidinis; & in toto te ipso spiritum superbiæ; ut maneat in te virtus continentiae & humilitatis, & Deo semper in omnibus obedias. Amen.

Deinde sacerdos conversus ad Altare dicat.

Dominus vobiscum. Et cum spiritu tuo.

Oremus,

Oremus.

DEUS, qui Beato Petro Apostolo tuo prædixisti, per alium in senectute ipsum fore cingendum, significans qua morte esset clarificaturus Deum: famulum tuum quem cingulo nostræ fraternitatis præcinximus, tua quæsumus charitate præcinge, tui nominis metu constringe, ejusque cor mandatorum tuorum alliga chordis; ut tua gratia opitulante a mundo peccatisque liberatus, solo tuo vinctus servitio, in statu devotionis usque in finem perseveret. Qui vivis & regnas cum Deo Patre, &c. Amen.

Postea conversus ad Præcinctum dicat.

Benedictio sanctissimæ Trinitatis, Patris, & Filii, & Spiritus sancti descendat super te; ut sicut Chorda corpus circundas, ita animam fide Jesu Christi, & bonis operibus decores; ut suam gratiam in præsentī, & in futuro vitam æternam habeas. Amen.

Formula Absolutionis Plenariæ Religiosis, Tertiariis Sæcularibus, & Cordigeris in extremis constitutis, vigore Privilegiorum, enlargiendæ.

Facta Confessione, & Dictis Misereatur & Indulgentiam, &c.

Dicat Sacerdos.

Dominus noster Jesus Christus per merita suæ sacratissimæ Passionis te absolvat, & gratiam suam tibi infundat, & ego Auctoritate ipsius, ac Beatorum Apostolorum Petri, & Pauli, & summorum Pontificum, mihi in hac parte commissa, & tibi concessa, Absolve te ab omni vinculo Excommunicationis majoris,

ris, vel minoris, si quod incurristi; & restituo te unioni, & participationi Fidelium, nec non sanctis Sacramentis Ecclesiæ. Item eadem Auctoritate, quatenus ad præsens forum spectat, Ego te absolvo ab omnibus peccatis tuis, tibi que relaxo omnes pœnas Purgatorii, quas pro peccatis commissis meruisti, concedens tibi remissionem, & indulgentiam plenariam omnium peccatorum tuorum, & restituo te illi statui innocentiae, in quo eras, quando baptizatus fuisti: In nomine Patris, ✝ & Filii, & Spiritus sancti. Amen.

Quod si hac vice non discefferis, reservo tibi Gratiam hanc usque ad extremum mortis tuæ articulum.

Cui Absolutioni piè, & convenienter subjungenda est sequens deprecatio; cui, in extremis laborans, devote correspondeat, Nomen Sanctissimum JESU ore, vel corde enixe invocando.

Dominus noster Jesus Christus, Filius Dei vivi, qui beato Petro Apostolo suo dedit potestatem ligandi, atque solvendi: per suam piissimam misericordiam recipiat confessionem tuam, & remittat tibi omnia peccata quaecunque, & quomodocunque in toto vitæ decursu commististi, de quibus corde contritus, & ore confessus es; restituens tibi stolam primam, quam in Baptismate recepisti. Et per indulgentiam plenariam a summis Pontificibus, Nostratibus in articulo mortis constitutis, concessam, liberet te a præsentis, ac futuræ vitæ pœnis; dignetur Purgatorii cruciatus remittere, Portas inferi claudere, Paradisi januam aperire, teque ad gaudia semp-

sempiterna perducere, per sacratissima suæ vitæ, passionis, & glorificationis Mysteria. Qui cum Patre, & Spiritu sancto Deus unus vivit, & regnat in sæcula sæculorum. Amen.

Formula absolvendi ab Hæresi.

Dictis Misereatur, & Indulgentiam &c.

Subjungat sacerdos.

Dominus noster Jesus Christus te absol-
vat, & ego Auctoritate ipsius, qua
fungor, & Beatorum Apostolorum Petri &
Pauli, & summi Pontificis, in hac parte mi-
hi commissa, & tibi concessa, Absolvo te in
primis ab omni vinculo Excommunicationis
majoris, in quantum illud incurristi ob cri-
men Hæresios, & participationem cum Hæ-
reticis, vel ob lectionem librorum prohibito-
rum, & ob quamcunque aliam causam; &
restituo te, & adjungo sanctis Sacramentis
Ecclesiæ, Communioni, & Unitati Fidelium.
In nomine Patris, ✝ & Filii, & Spiritus
sancti. Amen.

Et si sua Peccata fuerit confessus, Adjungat.

Deinde eadem Auctoritate absolvo te ab
omnibus peccatis tuis. In nomine Pa-
tris, ✝ & Filii, & Spiritus sancti. Amen.

Passio Domini nostri Jesu Christi, merita
beatæ Mariæ Virginis & omnium Sanctorum;
Quidquid boni feceris & mali sustinueris, sint
tibi in remissionem peccatorum, augmentum
gratiæ, & præmium vitæ æternæ. Amen.

Vade in Pace, & noli amplius peccare.

HIC FINIT ORVS; SIT LAVS,
AC HONOR OMNIPOTENTI DEO.



HOMILIA DICENDA IN MATUTINIS IN FESTIS UNIUS MARTYRIS non Pontificis, quando in eis dicitur MISSA. In virtute tua.

IN TERTIO NOCTURNO.

Lectio sancti Evangelii secundum Matthæum.

LECTIO. VII. cap. 15. d.

IN illo tempore : Dixit Iesus discipulis suis : Nolite arbitrari, quia pacem venerim mittere in terram : non veni pacem mittere, sed gladium. Et reliqua.

Homilia Sancti Hieronymi Presbyteri.

Lib. 1. in Matth. cap. 10.

SUPRA dixerat, Quod dico vobis in tenebris, dicite in lumine ; & quod in aure auditis, prædicate super tecta. Nunc infert, quid post prædicationem sequatur. Ad fidem Christi totus Orbis contra se divisus est ; Unaquæque domus & infideles & credentes habuit, & propterea bellum missum est bonum, ut rumperetur pax mala. Tale quid & in Genesi adversus rebelles homines, qui moti fuerant de Oriente, & turrem extruere festinabant, per quam cœli alta penetrarent, fecisse scribitur Deus ut divideret linguas eorum.
Resp. Corona aurea.

LECTIO VIII.

VENI enim separare hominum adversus Patrem suum. Hic locus propè
iisdem

hisdem verbis in Michæa Propheta Scribitur. Et notandum ubicumquè de veteri Testamento testimonium ponitur, utrum sensus tantum, an sermo consentiat. Qui amat Patrem aut Matrem plusquam me, non est me dignus. Qui ante præmiserat. Non veni pacem mittere, sed gladium, & dividere homines adversus Patrem & Matrem, Nurum & Socrum; ne quis pietatem religioni anteferet, subjecit dicens: Qui amat Patrem aut Matrem plusquam me. Et in Cantico legimus canticorum Ordinavit in me charitatem. Hic ordo in omni affectu necessarius est: amara post Deum Patrem, amara Matrem, amara Filios. *Resp.* Hic est verè.

L E C T I O IX.

ORDO pulcherrimus: ad prædicationem mittit, docet pericula non timenda, affectum subjicit religioni. Aurum suprà tulerat, æs de Zona excusserat. Dura Evangelistarum conditio. Undè ergo sumptus, unde victus necessaria? Austeritatem mandatorum spe temperat promissorum. Qui recipit, inquiens, vos, me recipit: & qui me recipit, recipit eum qui me misit: ut in suscipiendis Apostolis unusquisque credentium Christum se suscepisse arbitretur. *Te Deum laudamus.*

Ex Brev. Rom. Ant. 1764.



